



07236 ✓

兩浙輶軒錄卷二十三目

周 昱 徐德元 韓錫胙 周天度 盧文弼

錢 載 錢汝誠 周嘉猷 沈 心 戴國英

何國良 蔣宏道 王曾永 汪上坤 王曾祥

陳兆崙 趙 昱 汪 臺 金德瑛 顧之麟

陳豫誠 金文淳 張 果 陳景鐘 吳可馴

張世榮 汪 憲 張 增 葉世度 王曾厚

張 崗 戴王祥 馮兆觀 李 集 馮 浩

程 燾 梁肯堂 王 誥 孫宗濂

兩浙輶軒錄 卷二十三目

兩浙輶軒錄卷二十三

督學使者阮

周

昱字青原號依堂錢唐人乾隆丁卯舉人官銅梁知縣著正龔堂集

內之詩集序畧曰依堂自總角孤露奉賢母之教修門

蚤年篇什大抵多逸不存逮末年捧檄軍營深涉絕域

慨然思斬樓蘭繫邛支南征葑海雲馳驅風塵促集皆甲

越萬里道上也時以負米之役不憚馳驅風塵促集皆甲

之氣隨境觸呈奕奕紙墨不離琢而神有獨詣也

贍不屏顏詰曲而奇蓋才與周次球交厚次球之父

即青原先生也先生署銅梁縣時值金川用兵辦理軍

需局事殷於僧格宗營未竟於用人咸借之卒後遺詩

又為余言次球諱璜杭郡諸生早卒遺稿一冊在朱青

湖彭家青湖厄於火詩之被毀者甚夥而次球之集與馬語頃不勝悞悵

東陽南陽

禾黍離離野半陰鬱葱佳氣久銷沈名家將相風雲散原廟

兩浙輶軒錄

卷二十三

周

一

上。文

衣冠父老心十世炎精何處問千秋漢臘此中深湯湯白水

還東折猶似當年翠羽臨

登襄陽郡樓

莽莽荆襄割據州夕陽西下獨登樓峴山曉翠當窗入漢水

寒潮抱郭流放眼關河紛故壘驚心風物逼新秋杜康臺在

煙雲裏一醉江頭狎白鷗

兩次樂鄉關

萬壑排雲出孤村抱郭幽雨深斑竹嶺風急白蘋洲灘響夜

方壯螢光濕不流鄉關應最樂無那旅中遊

接船巖

絕壁立萬仞大江走其下灘高峽東盤洪濤若奔馬有壑當

奇衝谿訝出廣厦危椒森天戈怒激水倒瀉連檣緣蟻行欲

者
語口先哆險絕心骨摧浩歌淚盈把永念垂堂言敢告後來

鎮遠寄家書

屋外蕭蕭班馬聲水程纔了又山程庭幃夢裏增衰白兒女
年來半死生有弟應知人各瘦離家畏見月將盈平安兩字
吟成苦珍重雙魚莫亂烹

聞翁麟徵辦旅櫬歸里

二更月上樹啼烏望斷西風鶴影徂我已無舟傾范麥君還
有夢到黃墟卅年事業三秋葉八口生涯六尺蒲多謝江城
老司馬爲收幽骨葬重湖

櫟榆雜詩

列嶽天南望秩同橫空削就玉芙蓉曉風吹上白雲墮露出
兩浙輜軒錄卷二十三周昱

青青十九峯

點蒼山蒙氏
會封爲中嶽

聲聲布穀喚長鏡百里波光啟鏡函天到榆城暄色早試燈
風裏試春衫

料峭東風釀暮寒鴨頭新漲綠漫漫春遊不唱楊枝曲別有
夷歌打草竿

隊隊明璫出薜蘿木蘭舟散采菱歌河干七月松明會經藕

花中白紵多

松明會里人弔鄧
睽詔妻寧北妃也

得阮初白曙書詩以代柬

萬里天南記昔遊三年官閣共淹留分題多在涵青舫被酒
同登寫韻樓招得殘魂歸絕域不堪蓬跡復他州江鄉鰕菜
由來好何日同君狎野鷗

上已後二日孔澹谷

繼涵

孔澹文

廣作

招同孔腴源

繼

游寶立庵誠施養幾溥馮蓼洲夔槐譙集張曲山莊

東風着意催楊柳柔條綠到青川口游絲嬌鳥媚春晴滑笏
波紋淨塵垢名園近對嶧山開翠黛烟鬟列窗牖暄妍天氣
愜招尋烏帽青衫從兩牡柴門徑僻畧勾通一曲迴溪帶左
右短牆低露接枝花小沼新栽並蒂藕石几蒼苔不世情布
席傾觴剪春韭流連景物忽傷懷淪落風流歎衰醜握成棋
壁泣荆山著就元經覆醬瓿千秋萬歲知者誰名士登臨悲
峴首鶯花如海爛當筵况有忘形山水友世人但識五鹿耶
博徒頗知彥道否吾曹偃蹇類野鶴何論雞口羞牛後如此
風光不醉歸流鶯笑人多孤負諸君作歌我擊缶今日應須
盡八斗玉壺還有梨花酒

兩浙輜軒錄

卷二十三 周 昱

三

遊干佛山

秋清天日佳杖策踏危磴烟巒媚塵顏岡阜互盤亘微聞檜
柏間輕風送孤磬遂尋招提塗名藍據絕勝巖奇鬼斧開洞
黑神龍孕莓苔絡佛頭猿鳥識禪定有閣俯層空大千可一
凭明湖藐潢汙華鵠皆妾媵村墟雜市廛羅列紛餽釘生平
瞻望懷到此愜幽興未知腰腳疲坐愁山日暝歸途何所攜
白雲可持贈

褒城縣

行盡褒斜出漢南漁梁鱉舍舊曾諳楓經霜老紅遮寺潦淨
秋空碧照潭萬里客程催白髮五湖鄉思負黃柑來時記着
羅衣薄又換征裘上短驂

徐德元

字達三號芷堂烏程人乾隆丁卯舉人官漢州知州著芷堂文稿香雨叢談戎疆瑣記燕中草蜀中

草官箴詩蜀

中名勝詩

陳焯曰按行畧德元先以秋海棠詩名噪都下及宣蜀
中植金川跳梁於冷磧督臺站遇巡撫見而問曰能詩
彭山令卽汝乎遂調隨營辦事奏名以
同知陞補署甯遠府在漢州傷足告歸

塵角解歌

萬族蔓衍切絃垓亥章隸首莫能計古皇周物觀其通蠶繭
牛毛紆絡致鳥獸希琬蟲振俯秋鴛爲鼠春燕睥變化遞嬗
本自然剖斷一一窮根柢經生耳食少所見不出戶庭詫多
識山海莫識刑天訛爾雅幾受虻蝟累巧婦爲鴟廡爲麀見
橐駝謂馬腫背月令麋鹿分候占持摭眾說如櫛比
聖學該洽超古初證以角解俱北至復緬經訓理則那陶陰
或謬蝌與隸是時三十有二載日當亞歲天心會

南苑有獸名曰塵差大于鹿亦其類迺

兩浙輶軒錄 卷二十三 徐德元

四

又18

命虞人趨往觀雙題宛已作墮勢手不必倚目與謀逡巡半
偏倏若蛻枝格鬢鬢雕盤陳再拜

丹墀以狀對

帝曰吁哉古所云克園沿襲匪無自麀麀麀麀麀麀麀如瞽
模象圖索驥貴耳賤目徒師心口授指劃等兒戲蟲魚訓詁
尙如此議禮聚訟何足怪研朱五夜天文揮岳立雲垂風雨
快虎觀頓釋博士疑鴻都宜正曲臺字

聖心撫挹尊古經

命勿改作存其義

申命羲和汝欽哉著諸靈臺大事記懿夫

聖人猶化工端倪觸處相流示天何言哉

聖何心消長乘除默與契庶物徵應無時無干載一時數所

值此塵若不遭

盛明辟塵祇足供清話陋儒綿綿叢棄不收稿首空山齒誰挂

韓錫胙字介圭號湘巖清田人乾隆丁卯

約西順天舉人官松江知府南棗滿抵京得見于舅氏

齋中軀幹豐重而言語清快象緯鬻卜諸術藝無不精

核貫穿見余方髫髻喜弄文墨出所著滑稽集見贈集

中如貌左貌國語貌韓非子貌莊貌史記具有神似處

所云後區區一人而已語罷狂笑不已其自負如此

陳焯曰錫胙天才亮拔所至有聲尤以興水利為務詩

古文皆卓絕於時其滑稽集以余所見之本蓋刻而未

定卷

賦者

白岸

嵐深藏青田村古惟白岸輕橈破天碧細路踏草亂號號石

橋曲關關林鳥喚橋柚列疇千湖塘分野半烟林隱茅宇點

綴落塍畔籬斜春筍透篔滴流泉散汲女鬢搖花牧豎衣及

兩浙輶軒錄

卷二十三 韓錫胙

五

胥誰云皇古邁歛使塵氛判趨庭聽傳詩論山示月旦小子

汝記取謝公夙瞻玩忍令游踪湮徒誦文辭粲養老課耕稼

卜鄰况幽晏舍此將奚歸蹉跎起三歎

陶祠

層疊山難畫淵明卻賦歸興因新秫酒家有舊柴扉祠瓦藤

穿漏碑書斧礪稀滔滔江水濶誰覺折腰非

癸巳暮春作

舊見人嗟老年來老及身浮雲觀處幻急浪聽中頻字畏蠅

頭密羹宜菽乳親莫談鄉井事悲喜總沾巾

清興何曾減無端禮作翁大都三十載別是一時風女鬢年

年易伶歌處處工可憐琴酒侶多半白楊中

歸青田

故鄉夜夜夢魂飛今聽鄉音果是歸順水輕橈行向緩當門
小樹看成圍田園蕪廢慙元亮親舊都來訪令威指點趨庭
讀書處不堪剪燭對麻衣

劉文成公祠兼贈劉氏族姓

碧雲四覆曉山平蒼鼠松梧下翠叢誰使斯民開後覺帝為
天下屈先生庭階揖讓孫枝滿琴酒流連子夜清石室遺書
今在否好拚半月坐寒檠

周天度

字心羅一字讓谷號西隸仁和人乾隆

杭州府志天度年十六始讀四子書畢父經邦仕唐樓
鎮遠館歸絕不一問里中人業陳北嶽之門鍵戶攻苦夜
聞而恥之決意入會城充甫三年而學大成乾隆庚
午舉鄉試第一壬申成進士文名噪于京師詩賦文詞
四方傳誦初宰饒陽調清苑陞主雅
有循聲其詩充蔚豪傑跌宕可喜雅
不欲多存其存者皆卓乎可傳者也

兩浙輶軒錄

卷二十三

周天度

六

陳兆崙十誦齋集序畧曰吾師理齋周先生子從祖姑
出也吾師率讓谷欵予齋門抑其項令拜曰吾將有新
安之行以是兒付汝有不率則撻之余惶悚受命時余
以時文授受禁諸少年毋泛覽一日讓谷所讓忽失首
在索之急吾指讓谷嘗竊觀意必在讓谷所讓忽失首
服余恚曰吾不令若曹竊此者以時未至耳奈何不聽
余約今姑拈一題試若即能效其體為之吾將遂恣
爾意即立就且成其二文宋爛然齊景公待孔子二章讓
谷援筆讓谷時文雄麗而性不甚喜詩亦懶不收拾茲
編其什之二也

書漁餘話周讓谷形體豐碩而性劇喜遊山嘗同沈惕
庵遊九華方近半霄亭數從人掖之始得上自矜曰僕
頗章噴余亦倦天風扶上半霄亭及遙望天臺路尤險
仄益股栗不能登復作五古以謝同行者其後二韻云
我身如驅蠶我行如殺鷄
乘風夫何能甘作退飛鷄
梧門詩話錢塘周西謙刺史性豪邁好遊覽所至輒有
吟咏幸未冬遊九華作詩緣舟兼行二首云近遊畫筴
郭經棹正斜暉載春詩綠舟兼行二首云近遊畫筴
負杖有僧衣官閣還相憶梅花願未違同行偕二子旅
話得從容斷岸水流駛背人山影重甌清茶味滑
座密客懷穠前路擬陽浦香烟落暝鐘人多誦之

堇浦先生招飲丁香花下

二十四番風漸過春三月當穀雨中六街黃塵似散翹白袷
衣換青裘幪疲驢偶過息羈鞚倦眼那覩花濛濛柳絲已卸
玉河曲芍藥未放豐臺東朝來忽聞剝啄響長鬚傳致魚文
紅玉堂翰林行召客開械一笑登油轆入門豁爾明雙瞳紫
瓊瑤琢干瓏瓏合座入九客鄉語咸相通悉捐苛禮遠俗格
伯仲雅走如流虹三年此乃得一醉盡洗于日牢愁空用知
昔賢重高會勝事往往難遭逢此身悞落萬人海游踪蕭颯
齊飄蓬友朋合并苦不易况乃賢達如羣公倘逢好事入圖
畫西園之集將毋同凌晨我又復告去搖鞭長揖馳雲駿居
庸關前春草碧迴頭凝望徒忡忡後期更值高興發新篇幸
託長城鴻

兩浙輶軒錄

卷二十三

周天度

七

題吳東壁先生梅屋勘經圖

漢儒說經數馬鄭經經三禮如靳駿誰歟繼之賈與孔榛莽
翦闢窮幽探流傳派別盛南宋衛黃一出羣言弇輓近俗尙
王氏學聖籍皮置供魚蠅章縫袞袞四百載釣名空腹辭囉
喃常時器數味講習乍臨賓祭顏赧慙先生世之經大師年
始服政抽朝簪生平談禮有癖嗜至味不異米汁耽方其精
思別同異堅壘何足當戈鋌著書滿家不療貧緇塵華髮空
髣髴五千里俸給芻賃自餘未可醉二三長安少年習新詭
古義詎肯尋周聃先生之貧固其宜請更捫舌無多談撰杖
曷不歸去來西溪西有梅花葦湖州名酒旨且甘遠挈花蓼
同清酣醒來晴窗負暄坐研朱點墨書眠蠶弟子汪萬久入
室橐籥日鼓春風函先生歸哉僕請從相期間字香之南

和句山師臘底病中原韻

北馬南船又一時勞薪歷落竟何爲十圍搖落新栽柳半壁
淋漓舊疥詩作繭每愁身是裏畫蛇難惜口銜厄沈吟未忘
山妻語敗絮奚慚處士兒
旅鬢逢秋乍有霜郭郎餘技漫登場雄談袞袞驚三耳駿骨
崑崙識九方多病祇求安是福無才爭與命相妨何人丹地
聞高詠法曲鈞天動紫凰

早春過接葉亭客有談少宰湯公舊事者亭蓋公三十

年前寓也感賦

青棠如綫艸如烟閱世眞成浩劫前日下林泉解若此人間
壇坫益淒然蝸行蠹壁餘殘墨蟲網疎窗罷輓絃熟客不來
賓從散春風夜雨落苔錢

兩浙輶軒錄 卷二十三 周天度

八

盧文弨字召弓號磯漁又號檠齋晚號抱經餘姚籍仁利

修慝官侍讀學士湖南學政
著磯漁詩稟抱經堂文集

盧慶鍾行狀畧曰府君生而穎異外王父桑璜甫先生

故與先王父爲總角交遊學業日進以馬姓由祖籍援

門下與時之學士大夫遊學業日進以馬姓由祖籍援

例入國學中順天鄉試考授內閣中書始復本宗姓官

中書十年讀經史皆徧以朱筆點定識字壬申會試中

殿試一甲第三名及第授職編修丙子充 咸安宮官學

總裁丁丑三月充會試同考官旋在中 允補授翰林院

侍讀甲申陞翰林院侍讀學士春坊左中 允補授翰林院

試復充同考官提督湖南學政戊子正月 以條奏學政

事宜撤回降調六品京堂告養歸隱主 鍾山崇文紫陽

晉陽多龍城書院講席諸業者益 聚念古書時校正
各書釋其尤要者如經典釋文孟子 義因取舊時校正
新書春秋繁露方言白虎通西京雜 記蔡邕獨斷等書
亥第授梓是舉也府君發其端同 時名公鉅卿與夫
門諸子咸各出所藏請府君疏 校若嘉禾謝氏之荀子
鎮洋畢氏之呂氏春秋釋名疏 證武進趙氏之韓詩外
傳揚州秦氏之封氏聞見記吳 江嚴氏之左傳古義海

甯吳氏之謝宣城集皆經府君訂定府君更以手校之書不能盡付鉛槧則又錄其校語爲羣書拾補府君一生好學不倦馮少梁詩文集刻本久毀於火府君重錄之以外王父跋甫公爲學問所從出也江陰趙敬夫先生曦明著有顏氏家訓注歿而府君爲補其所未備刊行之其他著述惟鍾山札記已前刻龍城札記刻而未書彙本旣定開雕甫註釋其儀禮注疏詳校一

授經圖爲同年曹汝咸培亭尊人作

花發春風滿一庭年時清課手遺經鴛湖草碧人如織蠹簡燈青我獨醒樂事不妨兒輩覺書聲尤愛老來聽嗟子詩禮渾拋棄慚愧先生座右銘

過汪丈津夫鑿梅津草堂

趁市人歸好下帷數聲剝啄欵柴扉箋餘本草堆烏几坐久飛花點客衣黍地已荒偏嗜飲風光堪賞忍相違溪魚潑潑迎新漲更欲乘閒拂釣磯

兩浙輶軒錄卷二十三 盧文昭

送莫又張斌之潤州

九

八一上

新年初見黯離顏楊柳纔青未可攀有客萍蓬還獨汎何人風雪最相關寒衝鳧雁春前水夢到金焦望裏山我亦扁舟向東去檣烏背發幾時還

水月亭納涼

湖風颯然至坐此不知夏梧桐未脫葉葡萄正壓架觴隨水澌澌歌雜櫓嘔啞樹靄層巖雲酒香鄰院醲演漾金沙澗築基起臺榭當時經營人不復此稅駕念之榮心魂百物奄怛化虛櫛作僧居避暑許相借良朋肯我來笑轟雜悲喑水月無古今人事有代謝用大慮浮瓠入佳倒餐蔗山色晚更碧泉聲咽復瀉秋水浸寒月重遊約良夜

整庵

大意怪客過見我吠不止青石整渟泓沁水殊可喜山僧自
午飯覺已忘我爾徑冷生苔花風微委松子樹陰逗新涼山
雨又將起墨雲南峯來添作一池水

東園晚步

人家活水環曲徑疎樹夾童戲隱豆棚螢飛上蒲簷比屋機
杼響滿畦菜秧插過籬防吠犬開欄喚歸鴨青烟出林深白
酒就爐呷郭外數峯遙路口一燈恰樂此晚興饒汀鷗許我
狎

同年小集寓齋

高樹涼颺報早秋我曹痛飲莫空愁曲工其柰非時好瓶罄
還當與婦謀人世不堪歌薤露舍人同年四十人前年喪戴
靜溪今年裘廣廷及下世矣
此生端合老糟邱諸公事業應難定耐可清尊共白頭

兩浙輜軒錄

卷二十三

盧文昭

十

贈盧茗園

修其

寂寂揚雄宅唯君數往還交憐同臭味貧有好容顏疑義常
從析新詩更許刪問來誰慰藉真意最相關

真率會次韻

昔在明湖濱共結讀書社前以期古人後亦畏來者同輩推
薛洪跌宕擅騷雅騏驥步方騁局趣媿凡馬范崧亦可入又
林臂共把味餘殊酸醎吾意欲姑舍竭來幾廿年死生異朝
野晚得交眉庵情懷共輸寫真率自昔軌輿到命杯筓鍾子
晚富經筍海水瓶中瀉二李中英南北殊才名不相下諸賢
類璠璣賤子等礫瓦何待三爵後醺然發顏赭來詩語絕妙
宵讀至燈炮

謝海住先餉肉

雋永味清談勝啖花豬肉胡爲更作豪諷我捐首藟分甘推
友朋欲炙憐僮僕嘗鼎一臠多余今不負腹

謝東墅同年見贈奉酬

少小爲文章於道見苦晚未惜肝腎勞已傷容鬢損吟誇千
首豪意難一字穩敢希摩壘還早欲自崖返同官盡才傑吾
子更妍婉春花媚春風秋月明秋蠟萬象盡可籠六義夫何
遠才當避十舍年僅先一飯學道究何如欲問弦歌俎

酬張丈東扶賜讀金石錄見貽之作

湯盤禹鼎古有器今其在者祇文字世間何物最堅牢金石
猶然遭失墜固知古人絕愛名亦望後人能好事幾經風雨
逃劫灰年經月緯分部次誰云歐九欠讀書集古足以徵傳
記後來更得趙湖州復喜閩中有同志芸籤縹帶二千軸手

兩浙輜軒錄

卷二十三

盧文弨

七

卷二十三

自摩抄誇博識北狩空悲易水寒

易安詩南來尙覺吳江冷北狩應悲易水寒

緯遺髮獨憔悴零星故紙重天球一想前塵一垂淚在處若
有神物護傳寫人問於枕祕雅雨山人夙嗜古爲屬校讎辨

同異易安晚節負奇冤奮筆平反頗快意來詩亦復相印可
名教千秋敦氣誼更有左證君知否慷慨詩篇投遠使婆家

父祖並高名信息鄉關重誣諉是時紹興歲在丑年五十三

何所冀

紹興癸丑韓肖胃胡松年使金易安送之以詩云婆家父祖並高名又云只乞鄉關新信息時年五十三

稱婆則不事當日久自分明巧蟻何人空作僞可憐杞婦痛

據城翻比談娘歌蹋地

堅城自墮憐杞婦之悲深易安祭夫文也僞作上墓學士啟中有云局地

扣天敢效談雲烟已分霎時空鱗爪猶爲來者乞文章要自

以人重肯使無端蒙謗議書尾丁甯復垂戒早識吾儕有同

嗜見彈求鴉未足嗤案圖索駿那可致插架新添三十卷已

覺暴富良不啻異寶于今落誰手君若得之煩見示

同年袁簡齋明府 枚 卜居秣陵其舊治也近奉文當遷

居因和其別隨園詩以志惜別之意

紅土橋西小徑斜經過門巷幾曾差劇憐俄頃膠投漆惟願
一生蓬附麻入座山光全勝畫隔簾人影總疑花黃鸝於我
猶相識爭忍重來是別家

錢

載 字坤一號擇石秀水副貢生乾隆丙辰舉博學鴻
梧門詩話錢蔣士官即雍正王子副榜乾隆丙辰舉鴻

博報罷至壬申聯捷成進士年四十五矣是年會試在
八月香樹先生賀詩云刻成楮葉廿年遲著論韓公伸
紙題即廿年前中副榜題也與退之花枝注云今年會
類京師小兒唱云怒姑葉尖尖荷花葉兒圓殊可聽
蕻石先生採為詩云甘瓠花白豆花紫慈姑菜
尖荷葉圓梅陰分坐滿香氣一陣鶯鶯飛過詩
九卷體以博大為宗神景開闢不愧作家鉅手五言句
兩浙輜軒錄 卷二十三 錢 載 古

如廟立空腔樹村堆沒骨山沙岸幾家月郭門今夜霜
青廟時獨立白鳥必羣飛逝水無歸年夕陽易成夜獨
坐夏成秋頻來客亦主易歷半生事難成中夜眠地有
桐鄉愛人非大歷才天影淺深水勝聲前後山蕎麥花
如雪橋林葉未霜故積臥斜徑何時雞穿碧林攜槧
絮過橋衫染烟未罄昨未意何時復此蹤薛碑平作堯
風柳臥當門共命鳥安樹宜男花入房華省老芍藥故
山生薜蘿但看沙際樹不計舊來村馬首半梨樹州南
多疎林松色近先墓鶴聲留慶臺落日豆籬獨吟來
架疎雨初收冷鳥下吸烟忽斷青聲名文字少年雞憂
患飢寒佳境蕪掃除夏蔓成秋實正要高天一夜霜連
村雨似楊花落逐隊人如燕子飛蝨透畦風影京馬
憑天也作陽春葫蘆垂架露華白蝨透畦風影京馬
蹄只遠雙蝴蝶應是春來未入城此去又為賢太守相
看原是老中書朱衣座主春都換白髮門生老更添村
徑遠山松葉底柴門臨水稻花開向多雪人伴別後黃金盡科
第熟後難重夢杜宇啼來又一春僥倖天公乞斜照有
花枝處便鋪茵先公舊種多梅樹老圍全荒仍補竹人
寒已向先公葬日晏難炊寡婦厨我巳詩慵欲負老子
生南歲難常得天氣三春亦偶然九十九峯春巳老子
規猶道不如歸屋於高處非忘世志欲終焉此讀書野

帝力老何知蒙春光最好屬田家
晚來芳草欲爭綠
晴殺杏花難久紅
皆清老蒼秀合東坡
半山山谷而爲一家

吳越武肅王祠

石鏡山荒歲月更家王
遺像肅朱薨蕭森錦樹秋
風色妥貼江濤白日聲
歐史世家難盡信
龍門年表有公評
順天不獨能存祀
猶仗臨安作宋京

懷從叔祖界歸州

南北相違動十年
去年西去可書傳
空船峽轉秋聲裏
夔子城寒夕照邊
得句定分工部興
吏民如愛嗇夫賢
江陵明月迢迢夢
百丈風牽上水船

登多景樓

第一江山第一樓
闌干孤景俯清秋
幾家北顧憑天塹
終古兩浙輪軒錄
卷二十三 錢載

南朝怨石頭爛漫儘呼京口酒
翩翩難狎海門鷗
鬢絲未遣無情甚
斜日寒風爲少留

七月十五夜祁陽對月

湘水露華滿
祁陽雲翠流
今年無閏夏
此夕卽中秋
高館深留客
疎簾半上鈞
舉家京邸話
應憶到南州

送畢庶子

沅觀察隴西

詔以宮僚出年惟稽事成
秦民休養後隴水往來清
壯齒多全力宏材可定程
宣臚原第一慎重此聲名
請得逾旬假歸爲上塚
留遲衝灞橋雪迴汎洞庭
舟鄉里看翁子兒童望
細侯梅花青嶼月且約復來遊

寇忠愍公祠

功業汾陽只等閒
嗟公憂國鬢雙斑
君恩鬱鬱通天帶
里社

青青少華山魏野有詩傳北使竹林遺廟向人間靖康若主
澶淵策何至蒙塵遂不還

秣陵秣陵不勝攀數盡歸雅落照間蠟屐睡壺紛士女投鞭

麾扇此江山終南涇渭消磨後三代唐虞闕畧還合遣端憂
庾開府渺然家國但衰顏

二月十二日陪香樹從叔祖放舟武原半邏壩城檢得
石湖詩選本有四時田園雜興三十二首分得十首
和韻

花事纔過二月頭短筇攜我上扁舟買將燕筍隨臺菜鄉味
今春傍故邱

吳歌半學打灰堆春滿田園笑百回蓬腳好風吹鷺直遠山
兩浙翰軒錄 卷二十三 錢 載 古

一帶武原來

賽社浙蠶倒好嬉兒時最憶趁船歸連村雨似楊花落逐隊
人如燕子飛

乍罷河泥未出鉏桑含雀口尚如枯兩涯白屋東西問門掩
書聲早納租兩涯白屋半邏村

男便耕田女織機香粳米換木綿衣百年白叟三家住一笑
紅塵九陌飛

樹樹鶯黃岸岸晴鴨桃花外夕陽凝等閒綠遍船頭水隔歲
人來記打冰

風順齊言路不長船人手裏過茶湯與伊商畧明朝事合進
龍王廟口香

漁家螺蜆應時生何處茅柴酒最清背指勾藤橋一曲鄭墳

東角是瓊城

櫻桃花覆酒家門
春半看春倍惜春
多謝海雲扶月上
照人先與照鄉人

老年情重少年情
花壓簪頭玉勝荆
小縣東風傳唱去
夜來十一首詩成

游棲霞嶺

春雨無久濕陰崖
忽相高藉茲習余
步飽食能忘勞泉
南摘茶女手各隨
所操多生今歲筍
不見昔人桃石亭
築有意似欲休吾
曹

潑浦

重湖接先壘寒食
來諸孫春風散花
竹落日游雞豚物
情各有遂天性彌
所敦伏臘礪陰屋
詩書松下門佳辰
發真賞列兩浙輜
軒錄

卷二十三

錢載

五

川又文

席依前軒

張烈文侯墓

當年誰愛將骨亦
岳家西戰鼓中原
急秋山落日低曾
無樞府鞠竟有手
書齋廟記碑堪讀
霑裳草露漶

哭汪禮部孟錡

獨行獨行真可哀
行覓年少區中才
蕭瑟廓落有如此
鳳凰麒麟安在哉
繩牀不聞夜雨歇
辭院翻對秋花開
無可告訴今已後
只除舉杯不放杯

蒲州

縹緲薰風何處臺
汾陰后土亦荒哉
維南太華三峯倚
自北黃河九曲來
鶴雀樓高春幾劫
王官谷靜瀑如雷
蒲州合爲潼關守
犄角方成用險才

憶西湖

斜日輕風燕尾船
桃花楊柳六橋烟
人生百歲難常得
天氣三春亦偶然
驚代麒麟眞畫閣
戀恩鶉鷄孰題篇
鱸香蓴滑原相憶
不見西湖廿八年

同學諸友過飲回溪王秀才

敝廬不願奢
灑掃自清絕
欄扶梅萼凍
籬翦竹梢
折誰歟
吾所黨來者
客非熱危坐
聲焦桐古懷
面荒雪泉流
嫩寒遠松韻
落虛切是時
天宇浮林端
月如玦
塔焉隱几
棊冷然
御風列圍景
悵昏黃
庭光憐皎潔
諸賢且相住
茗薈亦佳設

里將遊支硎華山
天平諸勝先夕繫船獅子山下風雨驟
齋作天明益橫不得登岸而賦長歌

流鶯呼人暮出亞字城
徑飛牒子循山行
王儵墓頭松影黑
兩浙輜軒錄卷二十三 錢載

六

篙背啄崖樓鶴驚
中宵新葉都作枯
枝聲是雨非雨亂撲篷
窗櫺擁衾吹火沈沈聽
溪溜正急天已明
可憐溪邊五里十里不知何處好
花樹推篷一片萬片
朱朱白白浮下橋門
英我所思兮華山
天池蓮葉馨
支公住處鶴亭馬
礪秋渚清其南獨峯
糝糊青中有白雲
一線泉琮琤靈巖之高
何營三百六十丈
今者不見但見蒼煙橫
我豈不能支竹傘
兩腳緊繫芒鞋輕又豈不能坐
待風雨歇竹扛兜子
昇雙丁天公無賴
黝老生今日獨雨
昨日晴今日雖雨
明日晴已送歸權村鳩鳴

錢汝誠

字立之號東麓嘉興人陳羣子乾隆戊辰進士官至刑部侍郎

朱文藻曰錢塘汪比部魚亭爲錢太傅文端公乙丑所得上儲田後嘗往來錢塘土比部家少寇東麓先生每侍校儲來時文藻適館於土比部因得執質以見許厠弟子之列戊戌己亥間文藻客京師先生亦補官少寇校

讎之暇時時請益未幾卒于官

敬業堂山躑躅盛開主人招飲花下詩以紀之

趨庭指點說兒時今夕歡同杖履隨曾是高曾遺手澤能無

淚灑角弓詩

萬株火齊萬玫瑰一朵花宜傾一杯花影在杯杯在手主人

愛客客頻來

周嘉猷

字辰告號兩脞錢唐人乾隆丁丑進士官益都知縣著兩脞集

揚嗣狀畧曰先生有異著兩脞書一過即背諷無所遺

祖讓部公諱敬生錄經史課讀不使為俗學先生詩古文辭每一篇出輒驚其老宿杭董浦編修深愛重呼為

小友成進士謁選除青城知縣兩充鄉試同考官改益都

縣權知膠州壽張王倫構亂凡縣儲善後悉委官好學

理攝運判署知德州復攝歷城縣事以病卒于官好學

嗜古雖治劇邑未嘗去書從士大夫家得一祕本備鈔

審勘如恐不及文章爾雅久為上官所知三十六年土

兩扈特和順特款塞貢馬巡撫周公屬先生為作賀摺

奏上欽奉

兩浙輶軒錄

卷二十三

錢汝誠周嘉猷

七

殊批垂問周公即以先生名具奏遺著有南北史年表一卷

傳文選東都事畧等書及金石文字跋尾

由信州至河口

曉行發信州迤邐路逾百匝岸無青林連岡盡頑石解作阜

亦童昭蘇草難植混沌眉不書負屨掌誰劈茲邦富人文自

昔饒英碩地產既靈奇山容亦蘊藉如何乏清潤所見皆獷

礫菌蠢過客嘲蓄縮山靈怒伊余值屯蹇累載事行役往返

頻溯洞形摸細測識賦象揣各殊肖物視須逼雖未工雕搜

亦自巧搏埴或圓如米困或方如射的或累如棊或駢如

阜樞或如松皮皴或如龜兆坼或如馬振鬣或如鹿解脛或

連連如檣或泛泛如舶或積疊如堆或細碎如礫或如科頭

翁魁梧岸巾幘或如袒胛僧禿鬚振鈴錫飛梁橫山腰有徑

不可陟叢鼓棄水滙有桴不可擊怒猊渴飲河跛鼈倦伏磧
藤絡山果懸瀑挂秋瓜瀟波窅白可春巖研窟堪宅窪突肖
陰陽單復類揲扞邱背復有邱突兀露尻脊大山與小山吞
吐互齡齟累累斷復連縷縷明且析卓立畫地錐競舉去天
尺向背詭狀分遠近瑰姿易斲削豈鬼工搏挽費神力幻視
巧呈形疏觀細侔色潤滑凝流脂枯焦噬乾腊日炙蒼顏頰
溼清獷質黑映樹微含青宿露半縈白剝落襍黛赭爛爛間
黝赤翡翠毛留斑鸚鵡眼舒碧披莎虎竊毛俯水魚嚙墨干
形旣瑰異五色復輝艷瞥見詫童頑久玩欣嬋爿大巧類若
愚至美轉無飾媯氏煉所遺秦皇驅不得自古常嶙峋于今
頗戕賊開鑄勁骨蘇迸落大聲驕利刃劘蹲鴟巨斧斫怒特
披刷去鱗皴推敲絕額頰豈唯損石容亦恐傷地脈匠石資
兩浙輶軒錄

卷二十三 周嘉猷

六

或饒靈斯怒恐赫寄語此邦人應爲山川惜

酬張大誠然天津見寄即用原韻

我似棲林鳥君如破浪船此間春又老何地月重圓客夢依
鄉井離愁入舊年清樽話疇昔期在五雲邊

沈

心字房仲仁和諸生元滄

次子著孤石山房詩集

陳浩孤石山房詩集序畧曰椒園與其兄房仲並以才
名著浙右兩世皆海裔查氏甥故能得初白先生之詩
法椒園風節治行與文章並著房仲則終老不遇而其
意澹然無所求唯吟哦北游嶺嶠往來梁宋齊魯間流
覽所及與密親勝流酬唱往復欣愉悲戚之情多見於
詩其所遺孤石山房詩草前經初白查浦兩先生及歸
愚沈宗伯刪定錢唐桑改甫吳江家谷叟兩君子又酌
去其二三今

所存不及半

查慎行孤石山房詩集序畧曰房仲爲家少詹聲山外
孫其尊人東隅校書
丙廷宜游海外詩名播寰宇房仲夙稟庭訓研精經史課
誦之餘作爲詩歌雄厚者其氣馮永者其韻超邁者其

才沈摯者其學少年所詣如此少詹風雅一脈已得
傳人借光輝於宅相豈獨能世孫父東隅先生能詩房
朱彭曰房仲乃查少詹聲山外孫父東隅先生能詩房
仲與弟椒園濡染庭訓俱耽吟咏後又游初先生門
下歸愚宗伯曰初白以樂天東坡放翁遺山諸詩倡道
後進經指授者每能摠寫所得而房仲所造尤竊然自
鳴于時椒園角藝推選仲兄今椒園入史館校祕書
而房仲仍困諸生豈遇合之有數不能自主者耶

遊永福寺

江海望無極嵐光遶水城雲松團野色風竹雜泉聲蔬笋皆
禪味香燈不世情書窗曾許借一榻梵音清

白沙道中

沙磧微窪細水洞野風吹徹暮雲開斜陽古道鞭絲影一桁

青山逐馬來

豆渣戲和賓山上人

法乳常流轉確床濾殘布袋質凝霜剩逃劫業其燃火過去

兩浙輜軒錄

卷二十三

沈心

九

又云

因緣玉作漿解脫誰教入孟鉢等閒便遣繼糟糠廚荒直作
伊蒲饌細嚼方知淡味長

寒食半山看梅

暝色春愁花影邊推篷山外白雲連濕泥正阻攜筇路遠水
初來放鶴船幾嶺蒼松迷艷雪一林寒玉鎖荒煙冷香夢入

清明節桃李無言識後緣

過小山堂與趙意林話舊

相看忽忽感華顛身列書林境似仙卅載瓣香餘舊夢
數行翠墨結深緣時鑄松雪真蹟素心宅並南村住椒園新居與

清骨詩同北郭傳自愧生涯成濩落不堪蕉萃賦寒蟬

種菜二首

芋栗收園稻築場又分餘力到村莊慣聞好語年常熟漸有

生機地破荒籬夾竹竿編眼小鑿衰木柄等身長爲農兼學
樊遲圃拾礫誅茆鎮日忙

疊石圍牆五畝餘青松白芥繞蝸廬其燃土竈和霜煮草織
蓑衣冒雨鋤生相原非宜食肉歸來何必歎無魚齏鹽穩稱
貧家味一飽粗營好讀書

日離海研歌爲椒園作

美人愛鏡壯士劍書生結習殊相方得一佳硯足一世寶之
奚啻千璆琅叔也有硯癖夙願今乃償文曰日離海云是紫
薇舊物傳南唐

硯爲呂冰遠先生物李建侯所琢

一朝來几案使我神超蓬

島遊扶桑有如金雞唱天外赤鳥飛出騰九苾照徑八十一
萬里周行未到天中央吾家海隅幾茅屋朝朝夕汐魚龍鄉
奇觀最是十月朔合璧之彩升危岡眼中眩耀胸次豁幻影

兩浙輜軒錄

卷二十三

沈心

三

801

胡忽生文房人生一粟寄滄海少年豪氣如朝陽管城卽墨
並益友著書要等君身長幽人貞吉介于石陽德方升吾道

昌

後邨獲研詩應是窮儒命漸亨

會見光燄長萬丈墨雲溥湧鵬翱翔

遊吼山

并序

距紹興城東南三十里許有吼山劉章玉治具招同
其姪雲子周戒鄰往遊低蓬出郭明波遠岫歷歷如
畫旣至舟從石洞中入深潭峭壁幽邃奇險巖高十

餘丈上結茆亭巖曲有佛廬依巖臨水屋數十楹爲
有明陶歇庵先生別業當門有山頂皆碧石其態若
溼雲行空光彩陸離所謂雲石也圓嶠方壺非身可

到際此奇境不啻登仙矣同游數人倒屣暢飲扣舷
狂歌爲歡竟日山水朋友之樂人生豈能多得卽席

賦此以記勝遊時丙午二月初六日也

趁取朝南暮北風沿緣一棹路疑窮牢看梵宇懸巖置幽比
仇池古穴通席上烟霞傾鑿落壺中天地闢鴻濛佛螺青旋

神魚躍

潭中魚皆長丈餘

一鏡光明幻影空

勝槩名人占此鄉來尋石簞讀書堂日留樹影明頽閣風遞
雲濤響曲廊久付打鐘僧看守頻容攜榼客徜徉劫灰不少
前朝跡至竟陶家徑未荒

重九日查履旋招陪初白查浦兩先生及東齋樗莊椒

園尖山登高飲潮神廟卽席分賦

匝月愁霖日掩關預留腳力待登山兩峯特拔波濤外萬象
全歸咫尺間境在吾鄉誇絕勝人於此日喜俱閒從遊一笑
風吹帽十里何須計往還

兩浙輻軒錄

卷二十三

沈心

三

又又

邊頤公以所畫蘆雁見贈賦謝二首

惠崇妙蹟苦難求誰寫瀟湘一片秋霜信年年來紫塞七條
琴韻滿汀洲

寒風衝陣急相呼兩兩三三宿敗蘆極目遙天沈遠信可憐
歲晚尚江湖

雲間張梅園家白牡丹于十月忽放一花來索詩

可是瑤臺月下期小春重放艷陽枝憶同快賞曾三月忽作
孤芳又一時富貴人稱榮晚節冰霜天使助新姿嶺梅香色
貪同夢分付胭脂別處施

題張卿子先生遺像

茫茫浩劫老書叢寂寞生涯感慨中四海獨歌紫芝曲一身
且作長桑公經過曲巷名猶在老死西山命固窮喜有曾鯨

留繪妙詎同白傅寫屏風

戴國英

字奕文號蓮峯浦江諸生著蓮峯詩文稿八卷

戴殿海口乾隆十六年歲大荒出粟振飢先祖由邑庠生議敘恩貢幼有異稟孝友肫摯喜蓄書尤篤嗜程朱之學一生交遊皆名德長者

遊金竹澗過集陳氏山莊

疎雨歇山椒惠風蕩晴霽崇巖雲已深窄徑烟猶細齒齒白石間苔莓縈古砌潭水徹清陰澗花發明媚曲磴傍隩隈列棧擁埤坵摘葉粲春華捫蘿挹飛翠散步入叢篁揮手拍仙袂盤紆趨東軒披拂得少憩嘯傲寄南窗微醺愜幽契心賞斯已交遠懷獨凝睇

五洩觀瀑

重岳怪石如劍戟洪流下注不可測冒險直窮老樹巔寒氣

兩浙輜軒錄

卷二十三

戴國英

三

又文

撲面陰雲襲巨浪遙沈飛雨聲白波倒捲青厓色奔激澗壑春怒濤兜絡石骨旬相遭縷縷一線走絕壁危磴盤屈如連鼇依稀傾瀉出天際劈破棧道盤泉勢雲門匹練森長苾冰崖飛雪噓陰氣乃知神工亦太奇靈斧崩方迴坤維咫尺但聞雷霆聲朦朧莫辨巽鼉啼歸來珠露有餘濕恍疑淨綠生裳衣

何國良

字遇黃號何仙又號桂巖仁和諸生

何驥行狀畧曰府君平生事祖父極孝先祖患中風時府君假館龍泉學署星夜兼程歸視疾獲瘳復之龍泉而先祖疾復大創棄世府君聞訃慟哭暈絕略血數口數日道卒

家巖感疾歸視甫瘳促子赴館為境所累不得已就道

途中口占

牽衣忍涕出門行不敢親傍露淚形苦恨無能侍湯藥行裝

雖發又重停

蔣宏道

字賓侯號雪樵仁和人著五柳園稿

朱彭曰雪樵天姿純樸與兄靜山以文行相勗居家孝弟鄉黨無間言兼通醫術不廢吟咏親作百哀詩語極酸苦每逢朔望必展親墓徐紫山為作塚行所為詩文喜真樸不尚雕飾

紫山先生相招食筍即席賦酬

身自山中來悲餘復感老人生耄耄年同儕亦云少獨有徐元直人羣獨矯矯高隱將百歲顏色如少好村居林竹春嫩笋未成篠昨日手書來燒笋邀我飽揮塵論古事指掌能了了食笋美且鮮飽德益不小拜手牀下辭林中叫黃鳥

重過相國寺懷亦諳上人

前年春暮此過從忽訝詩僧帶瘦容今到禪房吟鉢杳寺門零落一枝松

兩浙輶軒錄

卷二十三

何國良 蔣宏道

三

801

王曾永

字樸歡仁和詩紳生著奇巢詩紳

朱彭曰樸歡即茨檐之兄也兄弟友愛因貧遠遊巴蜀十餘年茨檐倩友人寫結耦圖以寄懷兄之意樸歡題寄一律有攜鋤到處情相洽漁弟山兄總比肩之句後歸館杉墩喜與田夫野老游偶有所得託諸吟咏往往不自收拾故所存無多

歸自四川喜見茨檐弟

過了臯亭望北關一枝鷗進沈塘灣新居不遠欣容膝白髮相看各解顏秉燭且陶村舍酒聯牀為說蜀都山飢來只恐驅人去可得閒閒十畝閒

汪上埽

字舜陶號息園秀水人官國子監博士著范湖詩文鈔

草廬

綠水雙橋曲柴門柳半遮春風來燕子夜雨濕梨花天氣清明後人間橘柚家閒思消白晝活火試新茶

借金二汝白德瑛游明瑟園

入室多成趣名園世所希曲池流水遠高閣斷雲飛春色禽
先占山居草自肥寤遊良有素勝地共忘歸

王曾祥

字慶徽號茨檐仁和人杭

州府志文苑傳曾祥家極貧事親至孝于書無所不

讀肆力詩古文詞深入古鉅院輒棄去雷學使自鈔錄

名筆不苛召之見始一謁鉞作二日生傳以曾祥為杭

郡第一其一則揚州王世球也曾祥辭雷學使舉優

行書有云學無窮期品難預定可以知其品槩不給手

未沈靜便齊集序畧曰王茨檐食貧力學儲囊不給手

可親然遇要人富兒有不當意者即掉臂

去之或竟日不交一語其稍介及如此

詞科餘話日和王曾祥慶徵贈廣生

里中諸子相向為古文學獨見清麗

夜懷家兄穉歡先生

獨坐聽風雨虛窗欲二更自憐兄弟少深悔別離輕一榻暗

兩浙輜軒錄卷二十三 王曾永 汪上聘 王曾祥 舌 八上川

相對殘燈暈不明未知今夕夢何許是羊城

施竹田移居

卜宅城西路來過逼歲除故人多送酒長物只擔書好補門

前柳仍留屋後蔬近湖魚蟹便將母足閑居

懷吳西林

平生慕高隱眼底祇吳君詩思寒潭水榮名遠岫雲全天窗
藉酒餘習但論文一曲伐檀引何時許共聞 君近譜伐檀詩入琴曲
同西顛飲南漪書屋
日下人歸鬢點霜向餘酒地不全荒尖風入戶搖蘭燭寒月
窺人出薜牆得食可堪隨雁鷺守門只合類顛當卻吟蘇柳
逋梅句又隔前塵十載強 蘇柳逋梅負十年君庚戌歲飲秋聲館句
過西顛小眠齋疊前韻

都亭回首幾星霜三徑歸來未就荒好客何須論滿座素心
難得是連牆人看落拓還如舊詩說窮通詎敢當爲問生資
俱一笑我曹原不羨殷強

過胡稔古書齋

訪秋無定蹟秋在柴門裏憐君獨住房境與僧廬似牆影出
花梢檐風落藤子孤懷若爲開妙語紛未已雖乏觴絃樂頗
饒清淨理興盡指歸途斜光明遠水

寄家兄

緘詩千里說歸歟又復蹉跎六載餘門戶獨支貧過昔兒郎
漸長意非初同盤竊慕楊延壽推業終輸何幼瑛檢點目前
無限事臨風淚盡數行書

送趙勿藥之松江

兩浙輜軒錄

卷二十三

王曾祥

五

又又

風吹枯桐枝入夜吟檝槭杯酒不盡歡起看霜氣白吳淞襟
帶水若翁留詩蹟人事逐浮煙物情欺鍛翮路過三高祠先
謁范少伯畢生用計然何如守末策沿迴三泖清坐對九峯
碧鷗盟未嫌晚家有小亭適君家三十六鷗亭取姜白石詩
題千甫放三十六鷗於吳淞意
歲暮得歸來剪燈話平昔

移居和沈晴山韻

庚午春仲屬有不得已之役移家北墅心緒殊惡及
補葺葺粗完營魂少定沿緣側近則清潭在門登眺幽
邃遐則西山當牖而若叢祠蕭寺花圃煙村隨時可過

一笑舉步卽得高隱沈君晴山夙契襟期今相鄰並辱承

下問賦以新詩謹依韻裁會

本期延素業翻致失安居力盡廿年事身餘一束書遙山長

不斷好友未全疎回首增淒絕寒雲暗舊廬

况有隱君子澆花接水筒徑微分曲折屋祇別西東學古欣
先得逢時笑未工詩篇看愈好何事藉芟龔

上學使者雷翠庭先生

未從知己少求仲况復悠悠可具陳壯歲便懷沖澹意衰年
合作太和民包荒不責摳衣禮感激宵論捧手親自是平生
香一瓣南豐以外更無人

過昭勳崇德閣舊址弔圖像諸公

看山盡日渾忘疲每緣訪古行迤迤此地舊屬太常寺宋室
南渡初開基亦閱百年儀典備報德庸期勿墜巍然傑閣

碧雲間圖畫先臣二十四

趙普曹彬薛居正石熙載潘美李
沆王旦李繼隆王曾呂夷簡曹瑋

韓琦曾公亮富弼司馬光韓忠彥呂頤浩趙
鼎韓世忠張俊陳康伯史浩葛邲趙汝愚

雷奮雲合運莫

兩浙輜軒錄

卷二十三

王曾祥

三

八

當開國股肱誰最良周王鄭王齊戮力薛公石公依末光豈
無元勳及碩輔舉首獨讓韓王普神言何事來中庭論語曾
聞需半部二王布化勤宣猷二季外攘兼內修呂曹曾韓先
後繼坐致太平良有由就中忠獻真傑出聲色不動扶日月

大臣風力孰更優韓公尚怕富公弼司馬品望鳳與麟不鷲

不搏舍至仁此日心跡逾炯炯前時黨論空斷斷中興太傅

功莫尚老死吉陽憐倔強苗劉倡亂共驅除韓呂勤王師浩

蕩長卿方畧靜不驚楚輔法度能持平真翁衡才頗不失厥

子未免隳家聲往事茫茫難致語其間有闕還思補褒揚已

錄趙福王昭顯偏遺岳忠武張俊功名本較然妒賢惡惡圖

苟全生與靳王志勿合沒何緣與共几筵人君莫漫矜賢智

驅策羣英誠不易異世恆思遇驢驢當前翻白捐騏驥穆陵

理學志有餘力排安石崇程朱卽此表章及先代事關激勸
非迂疎惜哉愆多剛健寡不任崔吳任丁賈縱復敢諫有洪
公一木可能支大厦山中舊蹟我頻探漠漠斜暉遠岫含塊
壘正須澆濁酒當杯聊爾資清談

立春後一日集瓶花齋和竹田韻

眼看時序又春初枯坐經年此屋廬客至殷勤留半榻酒闌
珍重說遺書花街共聽更三點殘雪猶分月滿除好事主人
情轉劇辛盤還約試嘉蔬

集白雪房送孫蘇門之海昌

古寺蕭然得共經眼明天際數峯青卅年外舍無賓友隔巷
新知見典型君兄弟爲外舅周赤崖先生高弟外舅死無後耽酒久拚人盡棄論詩
長到日將暝鹽官一水來回近準擬秋湖汎醪醕

兩浙輶軒錄卷二十三

王曾祥

毛

上文文

陳兆崙

字星齋號句山錢唐人雍正庚戌進士官福建知縣乾隆丙辰舉博學鴻詞改編修官太僕寺卿著

紫竹山房詩文集

榕城詩話星齋天才駿發而虛襟善下人有寸美愛不
去口大手名篇眾人氣短星齋入閩喜極不寐賦詩寄示余
篤依韻答之在閩行雜錄散關後同居蕭寺接席聯牀
亦依韻答之在閩行雜錄散關後同居蕭寺接席聯牀
陸孝廉秩既蒞蘆舊雨沈秀才隆則劉盧世親兄弟
畜把袂拍肩爲清課彥和雲灑墨以成酣歌和墨以藉
均此逸情排爲清課彥和雲灑墨以成酣歌和墨以藉
談笑此其選也旣而星齋奔走上官同人賃船北上禪
榻春風閱其雲散分岐雪涕書此志之星齋有承明著
作之才庚戌無城府尤好海疆非其好也星齋有承明著
爲人易胸無城府尤好海疆非其好也星齋有承明著
善飲每遇知已輒連飲數觥未嘗醉而談鋒彌健生平
以古文爲時文故制義縱橫排募自成一家居京師士
大夫奉爲文章宗匠凡應試鄉會者吾書法第
一交次之世人但以文譽吾未可爲真知吾者
隨園詩話吾鄉陳星齋先生題畫云秋似美人無礙瘦
山如須求淡山似論文
作畫須求淡山似論文
不喜平二語同一風調

題彭芝庭前輩江帆歸觀圖自歎十年于役故有下句

五雲仙客賦南征一月天公放老晴曉月有棱宵濯重朔風

成片午帆輕年來庭草常春色此去江神亦世情用馮商語芝庭歸省

在臘唱後五月還道紆迴勞遠夢要隨賓雁數歸程

敲殘雪月啟門關雙照春庭鬢未斑話到芝庭歸省

君恩齊頓首吟成祖德一開顏名場詎易兼才福彭云會元天下才狀

元天下福綵服休教付等閒爲問賢才滿江上布帆無恙幾時還

書熊孝眼先生傳後諱迎龍字麟長江西新昌人鄉人憐其行稱曰孝眼

冥冥渾渾身未產孰與九竅開雙眼坐視君親遭險屯幾人

名字留青簡新昌之亂順治初叛將一呼轟羣謂逆鎮金聲桓也

殺戮老稚到雞狗奔逃林莽空虛盧先生有父獨坐嘆諱孔數邑

諸生欲以口舌紓齊難寇至中雷若不聞彷彿山陽還踞鍛豺

兩浙輜軒錄卷二十三 陳兆蔚 壬

狼氣奪旋怒麾豎儒喋喋敢爾爲承胸之劍亮於雪痛乞父

命甯取兒以身翼蔽幾迴旋矧目日出血覆面卒能全父度

桑榆九死殘魂獲神眷時已昏仆恍惚見吳莊介公飲以茶復蘇莊介諱甘來死甲申難官都給

事吁嗟乎將軍南入指淋漓太守之舌尤絕奇求忠於孝從

古說可憐終待歲寒知

寓園

吾思故明祁世培先生讀書處也李自成破京師自沈於

難處此遺命捨爲佛寺有堂曰四負遺像在焉文弱殆不

勝衣殊不類意中魁偉之擬按碑記及堂額題識皆

如中王作佛語豈先生意哉乙丑秋晚同學徒來游感嘆之

五雲山餘因而有作

十里村園竹萬竿虛堂曲折水潺湲池荷枯盡清芬在野燒

灰沈碧血乾忍遣園林留世業祇憑書卷殉尊官何人錯認
三生事摩碯津津說戒壇

塘棲題壁

花葉田田各自成山農含笑指行旌箇人不曉田園樂黑豆
黃麻尙問名

交州舟行書所見

篷背蕭騷曙色微邨煙是處繞漁磯單鳩索莫拋雌去雛燕
殷勤旁母飛倚岸樵撐詩骨瘦穿橋波瀉酒容肥程程風景
都相似賺得行人遠故扉

二月七日喜同年楊明府直庭至

盛年豪氣各蹉跎相見渾驚一紀過春水纈紋吾面似旅程
霜雪爾鬢多才原有數終難諱性恥言貧且放歌南浚遊韉

兩浙輜軒錄

卷二十三

陳兆騫

完

西頂屐刻期寒食意如何

送葉登南庶常改官之建昌任

毛錐幾輩誤年華好友青韶種縣花失一吏才人共惜奉雙
親養爾何嗟升沈依舊渾無象名業翻新詎有涯料得素心
終不負青天長自照烏紗

四月六日梁庶常元穎秋部幼循招同徐閣學潤亭張

廷尉藻川程給諫驥超編修許時翔馮夢亭中翰倪

敬堂貢士徐豐友集清勤堂看藤花奉次藻川元韻

吾儕強半皆華顛官貧酒薄夜不眠俄聞剝啄驚起坐長鬚

遣自蓬萊仙謂作留春識春面似霧非霧烟非烟塌來端詳

嘆奇絕勁如石弩柔如棉梅黃桃爛柳嫁絮避喧晚出卿眞

賢根蟠獨繭枝萬縷密於東畔疎西偏老者委蛇少騰蹕後

者少駐前爲牽主人駕空與接引歲不取息安其屢酬恩吐

豔拂歌席卓午送蔭過花甌容光應時特綺靡氣骨到老逾

頑堅南崖温生北崖石譬彼賢者各一天相將聯騎恣盡取

志在索醉仍回鞭虎坊橋呂氏園亦有藤花清勤堂距呂園不遠藻川因座客未集約往一觀茶話移

時主人索詩烹茶靜對也不惡飛觴引與增喧妍藏闔輒復

命花使披襟暢好辭塵緣庭陰已迫小滿屆粥香還似清明

前笑指簷端作比擬諸公試道然不然星霜四十或五十皮

皺色暗膚毛拳就中三人年最少謂二梁一馮絳房縹席相新鮮

平等看兼分別看兩重公案憑誰傳有能轉境不境轉心定

萬境無推遷文章事本足千古一草一木留疏箋庸知此夕

倡與和異日不裝玳瑁編閑堂譁笑各酩酊登車縱墜其神

全歸途見影忽在鬢如梳新月流涓涓藤牀六尺覓美睡夢

兩浙輜軒錄卷二十三 陳兆崙

與胡蝶紛周旋 手

送介 福野園典故浙江次韻 已卯

星軺乍改羽林裝 野園本與僕等奉派隨園今改南行此去東南路較長特地

轉移由

主眷替人歡喜爲吾鄉驚秋夢逐江濤關感舊心憐墨汁香

可以當年老宗伯髯蘇句好意難忘 當時老宗伯氣壓羣兒

野園官閣及典浙試皆與溧陽

任座主同僕又與同門故云

硯修九寸七分廣五寸六分厚九分宋謝侍郎文節

公物也初隱于建陽橋亭卜卦時所用元學士程文

海銘明永樂中亭圯于水改建爲文節祠掘地得硯

有閩人趙元識其事不知何時流轉在津門海潮寺

俗僧棄置榻下文士周月東以米易歸轉贈查太守
恂叔恂叔按銘識雜錄本傳及地志詳爲之序僕幸
得見五百年忠貞遺物因約其序所云參以臆斷成
長歌二十韻時乾隆丁亥八月望後十日也

繡襖三重綠絳纏中有橋亭謝公硯無才作贊敢摩挲再拜
沈吟求識面方當公在石何有今緣石在公如見惟公顛末
史志詳豈石始終可無傳我今代石言其略寓籍弋陽生歙
縣勁骨貞心天稟全長身廣額瑰紫擅周旋君子三十載文節
公年三十歲進士擊之南東跡幾遍弼成諫草與軍書氣吐
又三十餘年北去長虹光掣電最後始畫義文文薇露消殘集霜霰無何辟穀
舍我去流落市塵遭簡賤廉訪南來訪及之手爲題旌殊眷
眷仍歸亭吏善收藏佳話還教留一片程文海曾任閩海廉訪使意其時獲此硯

兩浙輶軒錄

卷二十三

陳兆崙

三

八川川

乃爲銘而仍歸之亭吏雖事屬想當然要之鉅夫晚蓋亦差勝于留趙輩之覲然也石火飛光又百年
土蝕苔封陵谷變夜半何人巧挾持荒祠無復陪馨薦海潮
寺類憫忠寺北走殘魂相後先津門距京且十舍寢久支牀
淪下院周生青眼抱之歸默許素心成遞禪不是茶侯集古
勤榮榮公等何由羨嗚呼石言止于此石耶人耶心目暄公
終不見可奈何芳藻一杯爲爾奠

楓橋

白板紅欄葉落時離人何處不相思也須留得佳名在只有
楓橋好入詩

清明前三日自閩門順風直抵嘉興喜謁錢太傅香樹

前輩令子侍郎以病瘧未晤歸舟卻寄

平江江路水如油帆底春情滿目稠柳線青拖杉闌尾菜花

黃過塔灣頭吹衣陶令未成去上冢龐公爲少留錢博方有
爲留一夕無那夜深催客棹病纏君子使人愁郊外之行

趙昱字功千原名殷昂號谷林仁和貢生

詞科寧錄仁和趙昱功千貢生臨川李公與其從兄鐵

巖同官少司農聞其才且賢薦之功千雅詠溫茶築春

草園有池館之勝異本書近數萬卷與同里沈嘉轍藥

城吳焯尺鳧陳芝蔚九符留句幼魯厲鶚太鴻及弟信意

事詩刑行之盛爲海內風雅所稱說

朱彭曰谷林與弟信同舉博學鴻詞報罷歸讀書數萬

築春岫圍疊石疏泉有池館之勝堂名小山藏書數萬

其所著書連茵接屋遂爲浙東西文獻大宗性又好客

花晨月夕時招吟侶方樸山爲作倡酌題詞曰詩人若

張修亭流築城陳蔚九符幼魯施靜岩張繼青輩麋至

則使小山承蓋者也卒後數十年間小山藏書瞥眼如

雲烟之過士

碧翁詩話谷林先生同時有繡谷老人吳尺鳧亦好藏

書並多鈔本每得一異書彼此必鈔存互爲校勘數過

識其卷首小山書畫印牙章精篆神采可愛先生卒後

悉載歸廣陵馬氏北邙魚亭與先生爲僚婿盡借其善

本錄副以藏子館比部家十數年見

先生校書跋語知先生點勘之精

兩浙輶軒錄

卷二十三

趙昱

三

上卷三

題松門畫

水色連秋陰溼溼生遠妙霜微葭黃沙晚鷓鴣叫不見拏
舟人空亭淡殘照

慧日峯訪亦諸上人不值留題二首

夕亭轉蕭澹竹外罨微明漸見玉盤上遠自孤桐生水色侵
露氣結此人境清永望有餘思輝輝弄前楹

空外生清機偶契入禪境微風過藕香廓然纖慮淨夜涼蟬

一聲林響落餘聽但惜賞音希寥寥誰與證

九日過白雲山房有感

風流耆舊遠盡日掩秋堂野水落寒石亂山低夕陽白雲從

倘莫吝俗士靈與爭世間太白死亦有東坡生

使解占崇岡結構殊帖妥不礙遐觀心芙蓉青朵朵萬瓦鬱
參差炊煙互封裹百雉墉居後三义路在左窗外見行人夕
陽冠駮草蟲靜夜鳴淒切豈爲我養此清慧機滅彼鎮熱
火明月正當杯下照蛤與贏

九月十三日雨中邀坤一心餘遊百花洲同限藏字山

字韻首

幾重亭館接秋塘卅字闌干亞字牆有客欲聽風葉下今朝
兼帶雨聲涼朱樓明月唐人語菊徑松關晉代香肯共避喧
來永日芙蓉洲上任君藏

相逢那許惜醅顏勝地輕言往復還同是冥鴻留雪爪况看

飛鷁賦刀鐙

余任滿將旋京而集齋乞假省墓與坤一同歸嘉禾

秋聲不放檐前樹露

兩浙輶軒錄

卷二十三

金德瑛

三

夕夕

氣能沈水外山記向短牆留醉墨他年側耳聽雙鬢

迨耕石別十餘年過宿寓齋與陳甸山齊息圍握手感

嘆情見乎詞

猶逐孤雲到

帝城相逢令我氣崢嶸正平方寸藏山岳師魯邊疆策甲兵
乍喜盍簪聯舊侶幾多泛梗失同盟潞河且勿匆匆別十載
襟懷待細傾

眞定龍興寺大悲閣佛像

紺碧佛閣千雲霄隔城遙見壓麗譙中有七十三尺像狎恰
蓋頂如團茅駢指义臂數未諦循梯百級分肩腰雙荷張穴
客僧寮天王俯勝聯雕尻陰陽爲鑄萬物炭聚斂礦藏鎔脂
膏偉哉宋祖所營造乃似牝武天樞豪豈祈并漢延國祚藉

鎮北虜矜財饒調御丈夫破顏笑我不佑宋亦不遑眼耳鼻
舌心無住須彌山王一秋毫必如大力具供養震旦像教當
寥寥劫灰飛過靖康亂寂定瞑度元明朝且於菩提巖晏坐
慎勿伸欠梁檁搖淇波自免滹沱蓄舍利豈惜丹霞燒惟周
宗言大可怖捨身利物爲泉刀

秋日遊千佛山

岱脈從東來厯山掉其尾宛宛幾枝分蒼蒼一屏止紺宇著
翠微粲若列眉齒欹橫隨磴級戶牖相表裏陰谷迷曦輪暗
泉冽地沈微聞乳滴音沁人如變徵古佛身入定骨冷呼不
起摩崖競功德鑿翠成瘡痕軒然啟窗櫺野氣連城市斷續
見鵲華參差羅岱紫惜遊得三人出郭剛五里涼颺動草樹
結實垂梨柿倘和昔賢題書之葉爲紙

兩浙輜軒錄

卷二十三

金德瑛

三

又文

壁間雜畫蔬果酒尊竹石是坤一千丁卯隨司寇時遊

戲也率題長句以代書欸

在江西關中

點筆知從啜茗餘客星曾伴使星居遠攜彭澤籬邊酒來采
雲卿圃裏蔬螿夢乍回人已去紗籠同護願宵虛待題名字
存詩券三老風流或繼余

遊麻姑山出谷未晡續作從姑之遊

山小石奇上垂下縮兩石對峙中有

一線

隔河遙見雙翠鬟臨風綽約矜容顏麻姑已到此未到何不
縹緲登其巔疑是當年次仲翮兩岸裂墮中存天又疑仙人
承露盤一莖裊裊當空懸廊房嵌入巖下竇雨點不打僧檐
端有時罡風一吹動便欲搖曳隨雲烟橫看側視皆窈窕絕
頂拾級難躋攀何當朗月清風際吹笛置酒招仙媛曠色催

歸興不足回顧秀黛猶娟娟

梁溪俞瑤星得古錢二枚愛之爲圖題詩余亦作一首
士不適用如古錢持以入市咸棄捐風塵知已得迂闊拾取
似休他人先一長而橢一規圓丹綠出土光殷然當時契刀
金錯刀網利欲奪造化權莽身千割不足惜遺器乃爲人所
憐譬諸昌黎蹈儒術嗜古亦取揚雄篇況今散擲百世後遠
勝爭奪千年前俗子鑿此方可悟金藏于山珠藏淵不然中
心著滓穢絕口阿堵夫豈賢

望都縣

訟庭衙鼓不聞聲官事匆匆爲送迎二十八家成縣治路人
笑指望都城

顧之麟

字大振號寸田仁和人乾隆丙辰進士改翰林院庶吉士出授山西直隸知縣官通州知州著寸田

兩浙輜軒錄

卷二十三

金德瑛顧之麟

毛

八四八

遺稿

初夏登臺頭寺

漢時名跡寄旃檀樂氏遺封此壯觀白玉橋長珍重過青銅
柏古往還看三分春色餘新綠百里秋毫數遠巒已是熟遊
遊未盡更從初夏一憑闌

官閣秋興

碧天如水靜恬恬領略秋光到屋檐幽鳥避風巢自穩涼蟬
吸露飲何廉且招閒客安棋局忽憶佳山啟畫圖豈畏沉迷
忘公事由來吏隱一身兼
閒來顧影亦伶俜酒入愁腸未易醒作吏漫分青白眼送人
先數短長亭蕭疎庭樹初辭葉窈窕溪橋淺露汀不是傷秋
卽傷別鬢莖那得不星星

得董氏西園竹數竿種之樂署書舍各賦一律

韋曲移來竹數竿便須日日問平安
就花疎處參差立趁雨晴時洗刷看
大好放稍沙路淨無多寫影月明寒園
了賴爾頻澆灌爲鑿清池一斛寬

臘八粥歌

飽飫不思食肉糜清淨恒願披緇衣
雲寒雪凍了無脫轉用佛節相娛嬉
麝牙之稻粲如玉法喜曉來炊作粥
取材七寶合初成甘苦辛酸五味足
稽首獻佛仰佛慈曰汝大眾共慶之人
分一器各滿腹如優婆塞優婆夷嗚呼
此日曾名與慶節冬青樹冷無人說
何如佛節永今朝歲歲年年有臘八

灤江秋泛

峯危欲墮江江勢欲截石坡陀
更數卷臨江飲江碧饑蛟誤

兩浙輜軒錄

卷二十三

顧之麟

美

又上

渴虎掉尾不得出放舟水石間容與信擁
檝山缺日乍漏山障日復匿波痕界陰晴
鱗羽弄明滅一灣入翠微烟巒忽逼仄
轉幅不到處斜陽與收拾回望徧涼汀
虛閣映纖月求仙臺亦荒長春宮已沒
一片秋精神千古濯魂魄往事難具陳
舟人爲余說

舟次趙北口見鴛鴦

嬌小鴛鴦不避人風輕沙暝往來頻
一雙影外無非水十二橋頭都是春
未便成行誇羽族祇緣戢翼見情親
相將又過前灘去莫與尋常野鴨鄰

中秋後一夕鄧園主人招飲分賦

秋半閒園最繫懷得因嘗果召吟儕
經連宵雨天仍霽減一分圓月正佳
大戶未須懲宿醉小眠更爲啟新齋
已來郊外

無拘束起舞舞清狂與客皆

陳豫誠 字健新一字霽巖錢唐人乾隆丙辰舉人

汪淮曰霽巖嘗割股療母疾丙辰登賢書北上淹留京師數載而卒

彈琴罷

直與性爲一至和天地通此心遊太古何在不春風鳥語自爲曲松濤亦應宮凡音求悅耳桃李笑牆東

金文清 字質夫號金門錢唐入焜弟乾隆己未進士官知府

尊聞錄質手登燕子磯云濤聲寒夕照亭影落孤鴻絕壁疑烟雨虛堂肅暮風句法甚佳又春痕如夢怯風尖

恐非近日少

年能道此 隨園詩話 在都與金質夫文清裘叔度日修居最近金棋劣于裘而偏欲饒裘金移居裘以詩賀云追趨閣閣兩年餘一日何曾賦索居雪苑對裁新著稿風簾同校舊抄書吟筒惠我寄嫌數棋局饒人實自譽早有聲華傳同年如春樹枝枝葉葉相依附不願同年如落花我願同年如春樹枝枝葉葉相依附不願同年如落花

兩浙輶軒錄 卷二十三

陳豫誠 金文清

禿

名士

鷲漂風泊飛天涯裘讀而歎日子才終竟有性情嗚呼此皆四十年前事今裘官至尚書聲施赫奕而質夫爲太守兩遭罪遣論戍以死豈亦如花之飛茵飛溷各有前因耶金死後余披其遺詩了不可得僅得其遊張園一首

同年袁 救 寓齋宴集

高館生暮涼喬木羅清陰夕陽欲辭山返景猶戀林入門饒野趣快此朋盍簪崇臺敞虛碧曲磴宜幽尋開筵列蔬果有酒羣酌斟雜坐忘少長縱論窮古今茫茫一氣中四野皆平陰清風答高唱飛鳥遺之音蒼然與目謀遠色來西岑借君壁上琴寫我太古心

秋日借諸同年宴集袁 救 寓齋賞菊

沿階落葉雨聲繁蕭瑟秋光庾信園開到菊花無俗韻勝於酒味是清言一鈎月色當簾吐合座朋簪入夜喧計日重陽

佳節近露臺高眺斷塵煩

紅泉館待雪

遼山欲暮同雲銜老樹僵立當垂簾小庭遲雪若遲客濁酒
戒寒如戒嚴吐窗燈焰短復短入隙晚風尖更尖呼童淨掃
階下石安排白戰歌堆鹽

奉天上元

柳條凝碧晚烟開放眼良宵興倍增四面衣香三里霧一城
明月萬家燈何來錦鈿當軒出是處紅闌有客憑他日夢華
徵故事玉簫金管記吾曾

同厲丈鶚陳臯城東看桃得花字

暖烟烘樹盡成霞十里平原萬畝花但有清溪通路約更無
隙地種桑麻衣香人面春爭麗白舫青帘酒易賒比似仙源

兩浙輶軒錄卷二十三 金文洎

應不愧羨他籬落野人家

張果 字誠然號蓋翁仁和人乾隆辛酉舉人

姚之煊蓋翁詩序畧曰吾友蓋翁性剛直內外斬斬義
形於色然素所不喜見其善未嘗不稱道好友相切劘
或引繩批根初若難堪者既退未嘗不推其美危苦患
難若身受之葬死恤孤汲汲如不及四歲失恃十八而
孤三十三而鰥女天子替獨奉後母一弟居舌耕不給
而妹及族之養與獨者待食焉為弟授室者終心動
自是以死少時母向未葬適先塋屢曩而殯者惟恐過
娶是凡十五京師渡河逾江走關陝粗衣糲食惟恐過
每歸輒葬數棺三十年來所葬已逾百矣始生時大父
夢大治令來謁雲中衣冠凜然捧其首而拜垂髮時方
輒見有馬從雲中來躍而馳其首而拜垂髮時方睡醒
蹴踏大海波濤間既寤則暗室中光明異常纖毫畢見
每語及古今節義事躍躍神動忠孝之性豈偶然哉

五十初度述懷東邵思餘

細柳青蒲刺眼新百年贏得半閒身秦關楚嶠供詩料鶴子
梅妻結夢因把卷不知雙鬢雪栽花惟望一枝春風塵來往

誰相識安樂窩中偶小鄰

津門舟次

知是魚鹽地人家傍水居名園經雨後野艇受風初濱海流
全濁迎秋柳漸疎蟬聲驚午夢不得到華胥

石田和尚次涑園韻

歲晚務閑欣有伴沙乾艸軟靜無塵半篙鴨綠消殘雪幾點
猩紅應早春破塚塊然誰是主高僧戾止更何人妻梅子鶴
風流在他日歸休許作鄰

簷篔亭主人以破琴瘞鶴於園亭石畔徵詩悼之

琴鶴相隨古有之鶴亾琴在轉生悲難禁化羽登仙去卻令
焦桐入地隨風過竹間聲寂寂月移亭外影遲遲長歌當哭
兩浙輜軒錄卷二十三

張果

罍

×〇川

爭傳頌我輩鍾情莫笑痴

丁丑春母壽日敬賦

花花葉葉歲寒姿插向瓶中介壽宜半畝荒園一畝硯八旬
老母六旬兒擬開笑口惟團聚暗動愁腸是別離數定妄希
旋轉力自慚薄積竟何爲

立夏前一日旅店作

入上計偕春夢醒殘穉剩有墨痕香東皇將別猶憐我飛送
榆錢滿客牀

七月十二日偕成子可堂沈子春畦伯鸞送成貞女暨

汪生合葬定香橋

憶昔遭家禍雙雙正妙年拘幽齋志沒聞訃毀容眠入地璧
方合飛天鏡不圓窮泉椁見晚無忝柏舟篇

寄答古渠時赴任同官

又縮銅符西入秦河聲岳色待詩人驅車驛路觀收稼畫壁
旗亭快飲酌非百里才頻出宰作三秋別轉勞神千鈞一髮
延書種尺素惓惓見性真嗚吳郎勤學

戊子正月二十三日為老母九旬壽

九旬老母子旬兒環繞慈憚進壽卮轉眼十年駒過隙縈心
萬縷繭抽絲皤然手足都無恙蕞爾門閭尚可支自責自嘲
還自幸一瓢春酒一篇詩

洛陽于童君二樹志館中見公友思餘遺集感賦

滿頭髮白雙眼青落落舊雨如晨星沈南邵北吾益友賢于
兄弟敦典型生得知己死不恨恨皆先我歸幽冥出處兩失
左右手傷哉井溲羸其瓶萬里九招魂不復幾同馬革僅裹

兩浙輜軒錄卷二十三 張果 望

形白日飛靈驚冢嗣棄官徒跣真伶仃負骸返葬西山麓骨
肉四散紛飄零自我不見十八載昏昏夢覺常惺惺絲蘿互
結膠漆固夙緣未了目未瞑死長已矣生不忍忍令蓬轉波
飄萍老馬為駒三至衛感懷舊事嗟頽齡客窗突見舊吟詠
恍聞咳唾來中庭一讀再讀三嘆息匡我不逮邀君靈

追悼法音禪兄暨樹虛吳居士

力疾封師塔傷哉匍匐情去來通一氣付托了三生執手神
力別傳燈夢不成十年簪盃地倒屣有誰迎

陳景鐘字几山號墨藥錢唐人乾隆

陳焯曰几山先生住清波小志補
花書屋課子弟兄辛酉亞元偕先君北上著北遊草後
隨蔣逆軒中丞赴湖南
著楚遊草俱刊行世
長橋剪茅長橋側宋時有朱孃酒店水心集朱孃曲云憶昔
長橋剪茅長橋側宋時有朱孃酒店相為鄰自言三世充拍戶

官拋萬斛壁長貧案宋耐得翁古杭夢遊錄宋時酒店除官庫子脚店之外如橋園酒店直賣店散酒店庵酒店俱謂之拍戶長橋自王生與師兒同死後人亦呼爲雙投橋云

朱孃店外鵝鳩鳴野步無人小艇橫一曲雙投橋下水春風吹雨弔王生

雷峯之下如上清宮普甯寺淨甯院皆古刹也今已基

址莫攷矣乾隆戊午冬予與柳亭鴻雪步迴峯之陰

並湖而西悉菜圃桑畦荒邱冷厝雖有一二漁舍禪

關亦柴扉晝掩寂若無人因拈一律以紀荒涼之景

登蓬嶼舍瀕湖住拍拍西風浪捲花野赤柏林鴉逐伴敗黃

蘆岸雁成家地荒莫問前朝寺烟冷空連臥水槎惟有斜陽

千古在危峯孤塋畫殘霞

二哀詩辛酉春予爲紫珊守廬兩先生作

兩浙輶軒錄卷二十三 陳景鐘 墨

黃雪山房老西湖舊隱淪詩成一代史志表百年人喬木風

猶昔衡門草又新篋中猶手稿相對淚沾巾

逝矣田居士南屏牘艸堂野禽穿枳落荒竹壓書牀字古墨

流豔詩寒句有芒路人憐孝子相率拜題坊

吳可馴 字驥調仁和副貢生

沈廷芳南圃詩鈔序畧曰吾友吳東壁先生有三子皆賢而好學長名可馴字驥調少即以能文稱乾隆六年應鄉試入都僅以副榜貢成均乃慮其磊落之氣於篇什而詩逾工嘗赴宣化募郡志凡塞外之土風山川草木之狀類秦漢以還之事蹟盡抉其奇閭以成書爲北方圖經所僅觀

題翟晴江郊居圖四首

東臬風物好一徑掃喧塵誰識機雲屋偏於水竹鄰門開迎

野色客到醉花晨長此尋遐賞眞成獨達人

我家曲江上屋後枕青山色共朝暮江潮日往還與君同

市隱終歲隔塵顏南北兩相望白雲中自開

京國尋鷗侶常乘欸段過憒居聊復爾座客不嫌多暇或著

山志時還擊缶歌重陽佳日近自壽意如何晴江著東臬志

豈爲浮名惜憐君在遠遊那堪悲下第獨自賦登樓白日鄉

心暮黃花客眼秋一樽須盡醉莫復感羈愁

六丁登蕭遠樓有懷江西顥樓在口北道署東偏

故人疎問訊選暇獨登樓千里共明月一時生別愁笳悲山

色暮潮長海風秋寄語家江客何因盟白鷗

甲子秋日趙飲谷先生自陳州至津門訪蓮坡主人於

澹宜書屋卽席分韻

衛河千里一帆通裙屐追歡笑語同佳日漸臨簪菊會先生

眞似浣花翁捲簾雨閣秋陰外刻燭詩成夜漏中從此直沽

兩浙輜軒錄卷二十三

吳可馴

器

添勝事入林高詠有山公

集苔花館題陸包山承天寺福興院畫卷

姑蘇遠近高低寺六十坊前慶雲被利幢最古是能仁殘碑

勒載蕭梁事寺在蘇州甘節坊梁衛尉卿陸僧瓚捨宅創初名廣德重元宋初改承天能仁北院禪

棲花木深名流往往高軒寄誰與題壁抒麗藻石田倡韻楊

祝次沈高士周楊儀部循吉祝京兆允明三公雄筆鎮山門直等江心玉帶視

六丁一夕下取將隔代吟魂孰招致包山水墨化結習濡毫

灑灑含清思失詩乃以畫補之畫成詩亦復附志僧松隱屬包山畫圖

黃志道書三公詩于後完斯公案非偶然詎獨老僧愛文字何時散軼

來北原收入米家書畫記落花主人癖嗜古寶此不啻于繅

值長夏招要避暑飲傳觀競樹詩壇幟塵世茫茫感廢興我

來把卷發深喟前人捨宅創浮圖後人據寺竊閭位可憐築

土號三與黃葉西風驚夢寐日月光懸燭火熄後宮滅盡雙
蛾翠蘭若粗能復舊觀劫灰旋又幾銷毀斯圖歷今二百載
前輩風流故未墜乃知壽世重文墨作緣底用金布地展之
壁上當臥遊疑有濤聲出松吹一名雙蛾寺舊有二異石故
宮洪武初復爲寺正統中廢
成化中僧道澤戒昌重建

太鴻徵君別買小舟以詩見示戲答

扁舟穩坐瘦維摩搖膝孤吟意若何自比襄陽泛書畫眞堪
笠澤狎煙波片帆緩渡山容出一榻涼收水氣多還有柁樓
雲鬢在臥聽子夜發吳歌

張世榮字寓春一作寓椿號無夜又號妙峯錢塘人乾隆
甲子解元著類迥偶吟南華摸象記磬嚴了義

杭州府志文苑傳張世榮生時母夢大士授青蓮自號
夢蓮生工詩多法唐人書法東坡性落落冥合然與人
無機心晚年學佛化於潮鳴寺其同年友汪憲醮黃葬之

兩浙輶軒錄卷二十三 張世榮 望

碧雉詩話無夜先生又號妙峯乾隆甲子鄉試姜父方
翁雉昇虔奉闕壯繆一夕夢降于庭因問張某名何神
曰汝自檢鈔袋見蟹兩夕隻遂覺解之曰半蟹爲解兩
半合則圓矣榜發果解元屢北上不第工詩家貧館食
四方工書嗜酒人求書必飲盡醉後輒隨筆作書晚
年與妻空而同習禪方名蓮慧後逾年於吳門舟中
夢方乘空而至有二童子執幡前導其趨
白綾紅緣上書清故方氏四字大笑而去

除夕窘甚

計拙無衣食杜句時哦老杜詩鬻書酬價薄借米療飢遲北上

眞爲累賢書徒爾爲卻歡元旦近喧聒不多時

望識舟亭在蕪湖王思任作榷使易今名
蓋取小謝天際識歸舟句也

赭山南去見高亭密竹深松映曉晴今日歸舟誰識我更無
人似謝宣城

南屏秋禊并序

劉楨魯都賦云素秋二七天漢指閭民胥祓禊國于

水遊是魏時用七月十四日也又漢書禮儀志八月

蘭渚春風帳渺然秋高猶得集羣賢屏開翠嶂鐘聲動寺倚
丹崖塔影懸迢遞碧雲翻白雁澄鮮秋水漾紅蓮騁懷游日
兼觴詠不羨由陰勝地偏

過觀梅古社舊南樵著今祀林和靖

處士孤山逸叢祠冰部廳繡袍冷錯采白鶴舊精靈玉座莓
苔紫湘簾樺燭青冬暄梅綻藥丹的幾星星

大隱偏朝市何須滯聖湖欲懲貪墨吏故像列仙儒額跋云南樵利

任西徂壁有藍田叔指明細字畫石刻雲雀喧叢篠風鴉落槁梧流連觀二妙簷日

自青石橋過秦亭山至西堰橋買舟

兩浙輜軒錄卷二十三 張世榮 吳

五載溪橋得重經免兒泉畔見攜瓶松林白塔藏山寺茆店
青旗過瓦亭躑躅亂開千點紫蕪菁平吐一畦青瓜皮小艇

堪眠臥剪取春波勝綠醅

憶李生磐安生樂平人余去歲臥病書院自七月迄十月始痊李晝夜侍湯藥不倦今南歸匝歲矣兩無音耗

潦倒劉公幹漳濱臥病年萍蓬原不定水火况交煎形影愁
吾獨提攜覺汝賢可憐懷抱盡泪眼颯皋川

梅家橋遇薛澱山小飲

題襟載酒十年前不道相逢棘院邊白髮崢嶸吾獨老黑裘
凋敝子誰憐文無壓架紅包密錦帶穿籬翠縷鮮魯酒驅愁
多亦得任他疎雨濕青烟

蘭江晚歸

到家妻子喜甑冷見塵生
已自囊空澀其如望滿盈
且炊紅稻飯更芼白菘羹
忽墮杯中月還疑江上行

萬峯上人有燒筍之約宿雨初霽同集山舫遲淨慈方

丈不至和作

膏雨初晴潤未銷
滿湖新漲醱葡萄
旋螺徑曲紅香膩
啼鳥音殘綠影高
禪侶招攜參玉版
酒民褊襪索春醪
碧雲易合人殊遠
一路鐘聲送晚橈

春仲偕花龕王居士過雲岫庵訪孟上人歸繞沙河尋

馬仲楨卜築故址得詩二首

拜竹織青埤團團落寒翠
遵畦踏菘臺經聲出松吹
童子知迎賓馴犬銜帽
帔陽和藹金繩萌笋坼
陰地上人秉天戒
幼不餐羶膩忽厭幻
泡身欲了生死事
除夕躋北峯雪大火
不兩浙輜軒錄

卷二十三

張世榮

罍

八川

繼烈風撼茅棚寒凝龕燈細
胡跪染緇衣薙髮落如薺
城中十萬家錐刀逐微利
我生耽禪悅鈴馱墮上計
聞茲涕淚流墮落乃不啻
坐久佛香低煙雲裊空際
微風颺落梅鈴語遞嘹唳

蹇步喚溪艇隨流任歸風
旣過鐵壚步復繞沙河東
春波漾于竹殘陽漾微紅
林杪白煙生水霧淡瀾濛
濛間詠心庵句古人誰與
同花龕選佛場香燈伊蒲
供近患目眚昏稍疎持誦
功我苦值歲歉蹤跡類替
鴻仗茲功德水一洗塵眼
空

汪

憲字于波號魚亭錢唐人乾隆乙丑進士官刑部陝西司員外著隆綺堂稿

錢

陳羣傳略曰魚亭爲子主試南宮所得士戍寅補刑部陝西司員外郎明年以父母俱周甲請歸里居定省

耽

著書丹鉛多善本求售者雖浮其值不與較集同志

數

人听夕沈論經史疑義詩文不多作必精詣一字

未

當往往沈想經

時

必愜意始脫稿

朱文藻跋曰往歲甲申滯留靖江吾友嚴鐵橋取予所製文達之北部汪魚亭先生先生嘗經子文遂屬錢橋爲介明年館余於靜寄東軒日夕校讐經籍悉所藏俾研究其中軒有花木水石之勝主客同遊十數人常以投壺賦詩爲娛樂
朝恩賜佩文韻府并擇其精醇者御製題詠仍俾珍藏以爲好古之勸先生積數十年精勤遺經無恙過此異數泉壤增榮洵不虛矣

二月三日潘秋田梁視公兩大令陳育齋編修邵椒石

庶常枉過靜寄東軒玉蘭初花登樓限韻

白日麗光春晝靜落盡殘梅柳芽迸熟客數輩來叩關相看一笑倒屣迎挑菜節過二月二脈脈情懷何所寄老樹得陽花驟開玉作肌膚蘭氣味小樓高踞花之東千朵萬朵森玲瓏不肯低頭照俗眼仰天作態搖春風憑欄坐久思茫然眼底鶯鶯眩生烟置身恍疑在鶴背使花爲鶴當乘軒

兩浙輶軒錄

卷二十三

汪憲

哭

和儀封張錦堂上舍

琦

湖上卽事

瓜皮艇子任徜徉忽地催歸暝色蒼到岸自橫楊柳下俯聽篷背雨淋浪

洗盡鉛華到骨清兩峯秀色與詩爭竹枝采入西湖曲老鐵風流有繼聲

南屏山舫雨中訪王士會鎮之兄弟臥起有作時士會

將還蜀鎮之送之江右

山舫從僧乞松風許對牀馴鷗渾是客別雁易爲行宿雨清明候篝燈花木房團欒也容我雜夢定分將

江雲溪招集寓齋以詩見贈次韻答之

白石仙人呼不起馬塍烟冷古城隈相逢黃海浮家客載得揚州明月來異代瓣香歸大雅淺橋流水泥深杯一航棖觸

催歸早不是樽前興盡回

蓮居庵修禊同用梅宛陵韻

橫河雙橋修眉綠窈窕城隅比空谷河流轉處蓮居庵花木

深深幽趣足殘碑三絕費拂拭虞長孺之文經奇李長蘅之書瘦硬宋比王之篆蒼嚴樊

榭東城雜記云爾借取新濺裙幾幅遨頭老輩證前塵西湖和遍花

游曲清游今喜朋簪盍晤到拈花離凡俗葑園皋園徑術通

榛芳闢白衣冠族喬木誰家長子孫比鄰盡日喧童僕惟有

春光慰飄蕩不隨長物同棄鬻石鼎汲水付僧雛薺菜和根

炊客粥人生會合風團絮陳迹俯仰車轉軸佛火催歸未及

曛古驛流鴉倦遊目

繡谷亭紫藤盛放步入瓶花齋牡丹未殘坐久雷雨日

占呈主人

兩浙輜軒錄卷二十三

汪憲

吳

888

斑斑卻掃為藤花深屋嫣然雲鬢斜似遣齊奴開步幃不妨

姚左各名家草堂兩地春都滿詩草同時客共誇新羅山人寫藤花圖

頓頭題詠者共十一人讀畫嘗茶真不惡漫勞急雨掣金蛇

伏日陪杭太史陳太僕諸公南華避暑分得山字

三十六鷗飛不還綠楊依舊倚潺湲名園避暑娛新節大雅

扶輪借小山藉甚聲名元白在過從親故紀羣間倚樓未覺

前塵幻乞得清涼羽扇閒

題嗜酒愛修竹圖

丁亥初夏值民園先生於荷風竹露草堂方與筱飲酌池上倩賢阮寫真

未脫稿逾月又同過散花灘雲溪寓齋飲後至袖

前嗜酒愛修竹圖蓋補圖甫竟墨淋漓猶濕也立秋

為梁溪吳生筆夫境遇偶耳屢見於畫而不易先生

春杯婪尾四月初陸家老屋多林蔭寫出先生太古貌水禽

仰面窺窗虛補圖著意尤不苟荷風竹露真能手自云興來
不暇嬾濕墨叢篁動戶牖我時對客歎奇絕良園風景宛無
別江郎雲勸酬何郎東醒笑指微渦眼生纈東軒赤日射前
廊長須背負畫在囊燈頭有題舊所識斯圖雅稱小軸裝挂
壁徐徐究畫理失卻探微逢道子神明標格將毋同與我周
旋復爾爾先生嗜愛何其專肯隨時俗見異遷消受直須畫
百本占斷清福耽林泉苔花差差隔清晝日暮無人倚翠袖
月明吹夢到滄浪涼露滿身秋竹瘦

張

燭

字曦亮號南漪仁和人乾隆丁卯舉人舉集序著南漪集

杭世駿南漪遺集序畧曰南漪雅才淵思于書無所不窺搜覈剔隱于史學尤爲專長晚年吐棄浮豔壹意治

經聖天子方求碩學之士公卿交上其名徵詣京師四方待
詔駢闐遲久未集而南漪以故

兩浙輞軒錄

卷二十三

張燭

辛

又又又

自虞山至徐市

漾舟送溪風漸失城下路夾岸荻蕭蕭未辨遙村樹悄然客
望迷前激不知處緣流忽復轉時與渚禽遇落落幾人家邱
樊翳盼顧荒亭犢臥閒溝塍屢回互田女訝來舟偶語輟農
務投止望林廬日色已曛暮

四月晦日雨中送授衣江臬之維揚

遙林溼翠雨斑斑春盡西湖樂事閒別澗有聲爭入浦暗雲
如夢欲遮山還攜勝賞風烟外忽發孤吟水石間悵悵河梁
分手近且將尊酒緩離顏

南沙送友歸里

槐柳陰陰覆艸堂好風薰面上河梁溪翁笑我不歸去卻送

故人還故鄉

竹田至邗上同飲項氏露臺

梯石扶闌上憑高憶舊遊故人原共酒薄暑已全收晚樹團
清影涼雲釀早秋更聯徐穉榻永夜此淹留

葉世度

敬思號函齋仁和人乾隆戊辰進士改庶吉士官知縣著函齋文錄

未文藻曰子弱冠卽耳熟函齋先生詩文名久而求其初不在翰林有函齋太史文稿行世後改授知縣云先生
途既屢復起乃爲函齋文餘百餘首其自序嘗前人假
設故其詩皆自寫
已意不問工拙云

南陽城下阻雨重陽前日

滿城風雨近重陽唐人句沒髀泥深道阻長暫息征塵良不惡

怕循覆轍未須忙行程本不關行役異客居然非異鄉王右丞

日詩獨在異鄉爲異客今南陽且學隆中高臥者旅窗一枕

聽淋浪

兩浙輜軒錄卷二十三

葉世度

至

王曾厚

字念箴號粟阜海鹽人乾隆庚午舉人由內閣中書官劍州知州著粟阜詩鈔四卷

其詩浸淫卷軸筆無調言鏗鏘逸韻一展卷而知爲唐音也洎乎出綸閣下滇南輪別襄湖湘沅楚水巴山出
又岷強瑰奇足以壯其吟嘯磅礴之氣
殆如少陵入蜀後所爲紀行者近是

過時晴齋懷汪文端公二首

停車問字經過數下直招尋尊酒頻書帶康成留屐齒墨池
子敬寄簪纓蚓蝻春雨摹他日鱸膾秋風澹一生最是難忘

論指法細筋入骨是真卿

一灣池水蹙風湍新漲春來映竹寒人坐石臺魚釣近花藏

藤架鳥窺難研園米老添新築今申笏山前輩寓此小墅東山舊藥欄

落日莓苔幽徑熟銜杯仍得罄交歡

榮澤渡黃河

憶昔踰淮歷清濟循河到海觀海市又探星宿龍門巔銀濤
瀉入胸懷問今來滎澤秋山晚幾度臨河不知返綿亘九曲
分太史此曲應知已過半落日蕭蕭帆度時影沙礮石大風
吹一時雷雨相併作共道蛟龍窟宅移千尺白浪如山立榜
人奴子相喚急一葉中流縱超越百年軀命爭呼吸軀命百
年奈若何窮愁顛路幾經過平地窘步類若斯賦命涼薄輕
風波須臾風定泊沙渚水鳥飛鳴艸蟲語山頭月出樽罍開
百里青蒼環底柱人生哀樂亦何常縱酒高歌且莫傷九江
三漉前途在拍天雲水兩茫茫

蜀江行

百川東注海南北各分派人與水爭地水迺越其界異哉岷
江流奔騰吁可怪絕少平地行萬山爭阻隘初發岨峽間匯
兩浙輶軒錄卷二十三 王曾厚

卷二十三

王曾厚

五

八

合岷嶂外眾流七十二三峽爲長塞劍門入天迴瞿塘兩壁
對日車常恐翻飛鳥莫由屈怒濤滾滾來高下恣澎湃氣挾
龍鬣壯意無岡巒在高者踰峭壁勢急不能退下者圻沙岸
甯與石俱碎巫峽共巴江相持成兩大迴顧行牒子飄泊如
浮芥重疊峭岬魁反覆盤污瀨篙師一脫手往往遭摧敗壬
辰夏奉使挂席來江介職膺楚貢重小懲復大誠所駕十一
艘二艘行且壞十萬昆吾金沈作魚復貝左右長髯奴沒於
浪者再微軀老殘喘尙荷皇天貸白鹽銜粉壁赤甲張明鏡
錦石麗汀洲烟蘿拂青黛艸堂吟嘯地何必追警欵兀坐風
波闊愁看六合內巴酒壓驚魂一醉頽然廢

池陽江上望九華山

昨出匡廬北石梁望了了無端阻溢浦未得穿林杪茲晨溯

過眼黃菊又初霜空有琴書在塵封已半牀

初夏三首示意林

賸紫疎紅一夕收曉寒簾外麥風秋殘鶯猶未辭金谷乳燕
依然傍畫樓羅袂采桑嫌雨潤山厨鑽棗喜烟浮園林到處
鳴禽喚試問西堂得句不

山舍初晴鳥鵲譁圍梅未熟氣清嘉息機嬾看松間局卻睡
先烹竹裏茶自笑蠹魚偏食字更憐蝶夢不離花幽情欲訴
憑誰得窗外微風燕子斜

蕭閒少事覺身輕掬水看雲遣世情不學逃禪通半偈已能
濟物薄微名松筠節老堪爲友鷗鷺心閒好結盟取喚奚奴
先滌硯刺薇花下待詩成

汪

臺字抱朴一字復園仁和諸生乾隆丙辰舉博學鴻詞

兩浙輶軒錄

卷二十三

汪臺

三

又文一

詞科掌錄抱朴婦翁湯少宰西厓以詩名海內得其家法絕句特工

東阿

水沙清淺馬徐過刺眼桃花可奈何蕩漾春風吹月上二宵
鄉夢在東阿

秋日南屏坐雨

石壁峻嶒手可捫午鐘寂歷靜無喧軒窗望久宜聽雨松竹
行窮始到門雲氣半遮山下路秋光早入水邊村清虛此腹
便蔬筍更欲從師契妙言

金德瑛

字汝白仁和科乾隆丙辰以申書舍人舉博學鴻詞未試登是科進士一甲第一人授修撰歷官左

都御史入祀鄉賢

祠著檜門詩存

蔣士銓詩存序畧曰公寢饋經史至老弗倦斗室一燈丹黃典籍汲汲不及性樂佳山水凡使節經過勝區古蹟必命駕登覽至則留連領挹吟嘯久之而後去蓋天壤清曠如此通籍二十有七年任斯文衡尺者無虛

歲雖未膺封疆民社之寄而騶從所經凡有關大政者皆切實人

告爲

上所嘉許得以施行蓋學其體用心涵忠盡而經世之畧固端發見者

又如此

小清涼山房圖詩

山房在海淀槐樹街勵文恭公休沐地也鄙人退直

棲託其間雲壑煙巒蔚然在望考圖經西山一名小

清涼爰取爲名請張南華前輩寫其意而繫之詩

文史充官事川巖奉晏居偶然騎欵段是處看芙蕖靜與竹

梧對涼生夜月初披衣緇未染真說愛吾廬

三時長託迹來去分無違春淺柳迎馬霜寒葉打衣圖成他

日在屋老昔人非惟有槐陰翠年年蔭板扉

秋早點名偶筆

兩浙輜軒錄卷二十三 金德瑛

書

又上又

鶴立青袍候啟扉明星帶火照深闌五更枕上無全夢一夕

涼生乍授衣橐筆少年猶記憶開編細字漸依稀故園多少

芳菲樹比較來時大幾圍

到建昌三首

晦日始解維秋氣方颯爽雖無明月輝頗見星斗朗蒼然暮

色圍人語隔煙響霖雨一愆期大河殊不廣兩岸崖石高中

流沙嶼長篙師苦厲揭方舟礙來往意中餘幾里挽去僅尋

丈不知坐客心厭見塵務鞅小滯亦自佳風牀堪偃仰

千峯霧中過對面不知名但見疊羅列蒼蒼如翠屏纔離內

史宅漸到益王城雙髻從姑山婀娜先有情人家夾溪居屋

後阡陌橫嵐氣所蒸潤婦孺皆聰明固宜此邦士文藝多著

聲尤愛百尺梁藉地同飛觥返櫂中秋後皓月風露清天緣

石球庶足恣幽討船頭水勢緩蘋末風來小春泉注菊所各

彭澤音聲杳秋水漲梅根名山高閣空文藻昭明讀書處府西文選樓向以

茲悟生理曷用浮名擾沙際浴青鳧林皋飛白鳥噴吭條常

胸九子立天表奇疊終南雲秀絕女几曉橫枕大江濱吳江

俱在抱百里逼鄉井白首缺登眺遠訪他山尊反失桑梓好

風帆撲黛色柔櫓入巖篠願言搆小築將以營我老

張 崗 字任齋一字玉峯錢唐人乾隆庚午舉人

新秋夜雨

一夜飛殘雨蕭然暑氣微秋心謝團扇客思到寒衣地迴砧聲杳家遙尺素稀誰憐淹旅館孤坐閉烟扉

題孫羨門渡海圖

酒醒燈昏後欣披渡海圖海花千嶂立風急一帆孤

兩浙輜軒錄卷二十三

張 崗

壘

又止文

戴王祥 字吉甫號東山浦江人王徽弟乾隆庚午舉人歸安教諭補任仁和

戴聯日東山以廩貢初任秀水中舉人升歸安前任老

耄久無月課東山親課生童寒暑無間至今人樂道之

子如京兩子舉人將選廣文而歿

癸未冬僑寓錢塘送桐峯八弟之都

可憐人對可憐宵苦雨巡檐閣沈腰爭似機雲偕入洛東西

老屋好相邀

馮兆觀 字鏡堂山陰人乾隆壬申舉人官安邑知縣著小蓬萊等集

郊居偶作

小邑清流岸荒郊白板扉山深秋氣早林密曙光微問字人非數投書客亦稀寂居無一事真息漠陰機

晚遊

漠漠野花晚搖搖水柳輕高原頻獨眺小嶺偶徐行山月知

隨客溪雲懶入城南禪望不遠隔岸送鐘聲

謁陸放翁墓

鑄劍峯東訪石旗放翁墓上草離離誰憐鐵馬黃河恨獨賞
春花夜雨詞萬里人歸餘舊夢三山居定富新詩後生儘向
遺編認未識金丹換骨時

鈔讀劍南詩復書長句於後

曾向茶山一問津江西派別擬非倫杜陵詩在得其骨賀監
湖荒老此身不見九州同有日空傳萬首替無人蓮花博士
雲烟吏應住山陰五日春

李

原名集鳳字釋芻號敬堂秀水人乾
隆癸未進士官郎縣知縣著願齋集

梅里詩輯先生少負絕異之才下筆浩瀾不可端倪多
雄偉奇傑之作無纖靡佻巧之音洵足上接杜韓下繼
先徵士朱王諸公令鄭多惠政築陂池焚妖木偶邑人
頌之云風烈何殊陸清獻神明已遍鄭山公歸田後屏

兩浙輜軒錄

卷二十三

戴玉祥馮兆觀李集

善

去韻華專精研於經學務以漢唐為宗詩文有裁蘭抱
琴桐館六忍居諸集五經有願學編信古錄無邪訓
雅言明徵等
書藏於家

寄懷朱標謝

尚憶鴛湖擢楓林得共遊如何一尊酒翻作百端憂意氣親
霜劍飄零逐水鷗至今涼月上夢斷荻花洲

贈許晦堂兼以送行

朝來遊子欵柴扉五載離情手重揮海內論交憐我在吳中
詩格似君稀佳兒膝上誇文度香茗閨中惜令暉君甫
悼以好是

北堂春晝暖陔蘭馥郁上征衣

馮

字養吾號孟亭桐鄉人乾隆戊辰進士長
編修歷官山東道御史著孟亭詩文集

吳蘭庭曰孟亭先生領乾隆元重丙辰鄉薦迨六十年
乙卯預行丙辰恩科鄉試遂重赴鹿鳴宴以子官封
鴻臚寺卿卒年八十三著述甚富詩文
集之外有李尚隱詩文集詳註行世

舟中喜見惠山

青山斗入空船裏山氣薄人襟袖起此身坐臥此山中何曾
限卻衣帶水山頭晴雲作絮飛山下落木山風吹復開水面
寫山色煙鬟隱現時可窺鴛鴦湖邊無寸碧秋蟀春鷓思蠟
展山靈莫笑行客忙老去方宜弄泉石

路上草

路上草何青青昨宵一雨土氣潤曉來簇簇抽纖莖南車北
馬馳不停土人平土鋤使去比於朝菌尤先零世間微物具
生意託根失地難長榮兩行官柳爲表道攀折未許垂盈盈
野田平碧曠無際叢蒲亂葦攢迴汀惜哉不作堯階藁

拜于忠肅公墓

九廟將傾隻手當旋令中外固金湯濟時遠勝唐靈武失策
兩浙輜軒錄卷二十三

馮浩

蓋

又八川

羞稱宋靖康絕塞居然生馬角元勳何罪死魚腸氛霾披豁
青霄朗高揭丹心日月光

浙水前賢每絕倫史編先後炳經綸青田草昧襄眞主新建
蒼皇縛叛臣各展英謨崇列爵公昭偉烈獨戕身天教岳墓
隣于墓間世忠魂赫赫神岳于皆成神祈夢前
在岳墳後乃于墳

遊青山莊三首

層層麥浪湧春田小徑縈紆謝墅前夾岸通橋平似掌沿堤
累石亞於肩林藏巖洞深逾秀花帶烟雲澹倍媽最愛流波
渺無際遙汀微露釣魚船

芳園歲久如圖畫金碧當初枉鬪蒼老樹閱人更幾姓修篁
避俗自成家雨淋敗檻藤浮沼風撼虛堂燕集沙猶有野農
能好事菜畦留得牡丹芽

塔鈴喚醒世間人名勝惟娛現在身粉壁縱橫塗短褐酒觴

稠疊整新茵壁嵌晉末名碣皆為灰粉所平泉花木徒勞記

金谷繁華早化塵南望故鄉懷倦圃雪中鴻爪有前因曹秋岳先

生倦圃亦數易主
余曾僦居二載

橫江雁并序

虞伯弟歸自湘南圖長江雁字一幅浩憶我先祖墨

妙有自題雁橫江似鵲填橋句中心感慕遂錄以識

之香樹尙書為題橫江雁一篇敬仿其體載識幅末

兼用呈謝

橫江雁獨倚高樓悲不見縱使春歸秋復來水雲幻蹟難重

按雁橫江銜蘆遠度得幾雙衡峯回首五千里影落絹素當

書窗忽逢老鶴來蹠蹠俯視羽族中情聯肯將舊譜南飛曲

兩浙輜軒錄馬浩卷二十三

移入新聲朔雁篇歌聲高以清天際聞吹笙振羽若赴節肅

肅思遐征歌聲清以婉獨繭纒車轉飲啄戀園池園池煙露

滿長吟短調宮商換悟徹天機皆一貫留作詩家故事傳焦

桐千載彈清散君不見橫江雁

守風遊安隱寺

櫓柔風緊忽騰波小泊尋幽策杖過列舍敞依山闌寂一僧

閑伴客婆娑征途耐渴清泉美眼界凌空秀野多上河水不
可飲初有

此泉山勢畧
斷百里平猶有子京遺榻在末隨灰燼託巖阿方丈一榻
鑄款墨林

閣中人籟
主人天籟
閣中物也

清漣寺觀魚

青天晃游鱗倒影載池水琉璃遜朗淨銀海愜洞視大魚洋

洋樂小魚策策喜金光交翠色閃爍落還起苜藻絕寸縈島

嶼成聯峙盤迴終日間咫尺百千里潑刺勢欲翻噉喙隊旋
倚何如縱江湖勝詠濠梁旨

秋草二首

風欺露壓夕陽烘極目平蕪遠道中袍色舊來人白髮燒痕
新處樹丹楓賓鴻影澹還辭北天馬蹄輕早向東莫爲登臨
動惆悵每緣蕭瑟蘊青葱

迴首春暉去已遙苦心寸寸未全凋頓遭敗葉埋荒徑長引
寒蘆到野橋丙舍淒清催節候祖洲縹緲失根苗螿蟹吟徹
霜鐘裏自比啼鴉恨又饒

兩孤風辭

并序

桐鄉縣鳳鳴里國學生朱仁本妾李氏陶氏仁本卒
李年二十八陶二十七遺孤李出纜兩月二人誓志

兩浙輶軒錄

卷二十三

馮浩

五

× 8 1

死守堅貞純白家至貧織作勤劬撫孤成人爲難能
也先哲程巽隱集中孤風辭爲崇德梧桐鄉鳳鳴里
朱節婦作節婦方氏夫朱原震生一子未晬而寡年
二十八與今李陶事一一相合而以妾儕妻以二協
一遇苦而行芳倍之矣余邑人也援舊聞而賦新篇
雖不工願爲當代詩人引焉

有風有風仰一雄翼左右戢心雙同朝歌夜舞樂易窮雄兮
變滅隨飄風兩風初伏枳棘叢五彩傅體何丰茸連翩集止
羣鳥空一朝慘毒呼蒼穹斑斑血比啼鴉紅孱魂九死迴深
衷巖巖冰雪凝春冬食必苦竹棲孤桐狐鳴鴟嘯喧西東青
雀語授鸚鵡工我口已瘖耳已聾心精皎日懸當宵摺服百
怪輸虔恭他年泉路無慚容一風舉雛衍爾宗一子兩母情

融融不知出自誰腹中遺雛長大聲啾啾九萬里俟扶搖翮
返哺庶使飢腸充悲詞昔誦巽隱翁鳳鳴里朱節義崇越四
百載追芳蹤石田有璧兼有琮培塿翠柏偕青松地靈炳采
積愈豐或者世系原遙通何時史管書以形鸞章下賁旌且
封兩鳳抱德彌虛冲潔身育子奚言功篇成霜夜號寒蟲凄
酸又聽寥天鴻

兕觥歸趙一十六韻

前明萬曆初常熟趙文毅官檢討
勅贈江陵奪情廷杖除名歎許文
贈歷經遷流今仍歸公

穆官庶子鐫兕觥

以贈歷經遷流今仍歸公
詳翁覃溪及諸君詩文

五世孫王槐明府

編修武進吳公中行首疏同杖時
稱吳趙史藁吳傳云杖時陰雲四

文毅拜杖時陰雷動天異起天鼓大震故據以為言墮肉腊而藏中閨凝血淚體肉漬落夫兕觥為

餞贈銘勒廿四字前輩頌陽生論交初未貳款云穎陽生許

題贈門戶此萌芽斑聯紛擊刺禍烈人凋殘運窮國殄瘁大端

兩浙輜軒錄卷二十三馮浩 奕

垂史書遺物綴傳記推移二百年復始歸苗嗣追溯收儲家

六七屢遷地朋來競捧玩酌彼或酣醉斯須設輕脫非意驚

翻墜諦觀古色深沉黝溢温粹感歎昔諸公一一神所庇拜

藏欽祖澤禋祀守宗器舊侶玉杯許文穆鐫玉杯贈江東

無有二恒山並高門忠毅鐵如意高邑趙忠毅物

程

字九峯號雲軒仁和人乾隆戊午舉人由
汪承需神道碑畧曰公先世祖新安趙高抗郡貢生

舉人青浦知縣曾祖光縉杭郡諸生祖名高抗郡貢生
湯溪教諭父鉉錢塘諸生公由仁和弟子員乾隆戊午

舉于鄉試補中書舍人派軍機處行走蜀有軍旅事公
隨經署傅公往以功擢兵部郎中遷安

御史充方畧館纂修官回部用兵以素嫻軍務授洮岷
道西師凱旋調江南鹽驛道遷安徽按察使母憂服闋

授安徽布政使調西安署巡撫事授湖北巡撫左遷江
西布政內補太僕寺少卿屢從

送福節使赴軍營

詔頒虎節尙嚴更匹馬嘶風破曉行壯氣披雲開峻嶺忠懷
捧日燠堅城單身詣壘聲先奪草檄宣威虜遂平我是當年
老軍吏料知轉盼已弭兵

登華嶽步廉使秦前輩韻

五嶽奠坤輿總自鴻濛闢太華肅金天原從巨靈劈芙蓉印
仙掌首陽遺履迹託體無寸膚嗟呀成削石壁立撐雲霄去
天只尋尺一峯爲真宰眾山皆跼踖澗道幾千盤逶迤試蠟
屐行行上天門恍與塵世隔洞壑絕離奇岡巒復怪僻松陰
蔽天漢幽谷神仙宅我欲縱大觀陟險良弗惜攀鍊躋危崖
托足如纍奔盤桓升絕頂胸臆豁然若左顧熊耳小前附中
條窄太白與終南相看皆肘腋黃河九曲來山勢幾相逆發
自星宿源潼津實喉咽關河百二雄瞭然在指畫雲從下界
兩浙輜軒錄 卷二十三 程一燾 堯

烟霞因茲豁平昔

梁肯堂

字構亭號春涼錢塘人乾隆丙子順天舉人欒城知縣歷官刑部尙書漕運總督著石幢居士吟稿

天

魏成憲曰公中乾隆戊午副車丙子舉京兆試充咸安宮教習由直隸知縣洊歷總督內擢刑部尙書旋督

漕運恭守

高宗純皇帝裕陵三年以尙書銜引年歸里抵家數日而卒

恩諭加祭一壇

湘南道上懷家兄晴沙先生

艱難非失計兩地憶分離青負春好難忘白髮悲波濤驚
海國風雨暗江湄到處雲山迴誰賡常棣詩

澧州灘行卽事

刺舟涖陽行船艙永朝夕彎跼狹旬餘莫釋足盤蹙隣舟有
過從稍稍破岑寂常慮涉川凶震來恐號號童僕去已遙獨
往意尤迫忽云上前灘懸流激危石一葉波中翻楫柁倏已
折蓬飛風掃箏篙師窘無畫聞者變心顏誰歎體悅懌須臾
過前舟目慘心逾嚇橫板載沉浮不識中有客但聞濺濺聲
逝矣歎行役

歸途次淶口

淶口湘波合圓沙聚綠蕪屋緣山曲折舟渡水縈紆冷意憐
黃鳥閑情愧白鳧邨墟重小泊念舊一踟躕

秦淮泛舟

管細絃么簇畫船河亭風幔鬪芳鮮消魂一曲秦淮水纔見
垂楊便可憐

兩浙輜軒錄

卷二十三

程燾梁肯堂

卒

又川七

癸酉小除夕

踪跡真如不繫舟堂堂光景速於郵應酬門戶憐黃口料理
齏鹽累白頭送臘縱銷千日酒挑燈那遣萬重愁祗餘舊雨
耽文雅分榻論詩爲我留

時延吳大
翰田度歲

咏冰用東坡韻

銅盤滿貯涼氣生蒼蠅斂翅不敢鳴垂簾瞑坐日卓午冰梳
欲喝酒盞輕匹如大明圓鏡照無二煩惱界中結靜意云何
熱客內熱煎招涼無計枯心泉黃塵奔競隴望蜀或憑爲山
鏤作玉豈知一甌沁骨可療饑清風習習抒雙眉世間豈必
無冷境胡爲日與夏蟲隨君不見桃笙穩臥北窗下何異杜
陵野叟赤腳時

翻漿熱惱境濛濛少卸輕綿寒早攻千里有家迷客夢一燈
無燄冷秋蟲數殘漏點頻聽雨剛見晨光又畏風太息倚闌
念子季北鴻正阻病愁中
黃帝池具天圖
病未愈憶家
昔騰獨睡向誰愁落葉聲疎最感秋養疾不忘薪米苦得生
空作稻梁謀年如雲影沉沉過心似風帆漸漸收我有高堂
已垂白故交何事尚稽留

舟子嘆

秋陽一何驕乘舟熱可避可憐操舟人所事等兒戲未昏便
偃息破曉尙高寐行不二三里歇已七八次相望百十程日
不及三四挖工與撐篙大率皆瘧痢向余前致辭上聞頗非
易長繩百丈牽風水俱不利請公多寬夫祈公厚賞賜僕人
兩浙輜軒錄 卷二十三 梁肯堂 空
語喃喃遣日苦多費聽我僱車行正可及期至余爲笑謝之
兩說均可置遲速會有時人生暈如寄當窗受涼風吾以適
吾意

仙都山

按志古名縉雲山道書洞天三十六所仙都第二十
九名元都祁先洞天周回三百里黃帝駕火龍上升

處山巔有石屋世傳爲洞天
天之門

曾記山呼萬歲年雲璈餘響五雲偏含烟古洞仙踪渺浴日

高池斗宿連始到元都眞得地况聞黃帝此昇天圖經展齒

須參印攬勝期探最上巔
圖經云唐天寶七年六月八日彩雲起於李溪源覆繞縉雲山獨峯

之頂忽雲中仙樂響亮鷲鶴飛舞
俄又聞山呼萬歲者九誌山皆應

按續文獻通考朱文公持常平節過縉雲以伺朝旨
愛其山水似武夷嘉定中郡人葉祠昌建

朱山秀絕五雲中遺址蒼涼對獨峯千載常平留善政一時
過化挹光風修筠碧澗階除淨清賞微言巾屐同多少岳巒
芳躅在瓣香我企紫陽翁

孫宗濂

字栗忱號隱谷仁和人乾隆甲子舉人

湯禮祥曰先生壯歲舉於鄉一試禮部不售遂絕意仕
進築壽松堂儲羣籍於中與武林藏書家相埒性異於
人者三生不就人飲而座客常滿一也喜接引寒賤
遇高位則望望然去之二也尤好施與無倦容而獨關
慈氏種福之說三年
四十三而歿時論惜之

琴臺

空山秋更佳散步入林薄雲松接孤亭風篁響幽閣娟娟南

兩浙輜軒錄

卷二十三

王詩 孫宗濂

空

又七上

屏山疊石翠參錯壁立類削成古藤互纏絡上有海岳書筆
力想揮霍琴聲久寂寥天籟自蕭索俯視西子湖澄泓只一
勺晴空展高眺閒情時領畧拂蘚坐石牀蟾光忽已落

添綫詞

窗紗映日紅旖旎芙蓉帳中人曉起點罷胭脂九九圖怯寒
小坐蘭閨裏拈得金鍼繡綺羅鴛鴦紫鳳兩如何紫鳳雲中
紛五色鴛鴦池面蹴圓波唾絨點點花磚冷暈碧裁紅出新
穎正是停鍼不語時隔簾暗度梅花影

游韜光禪院

陰森萬竹藏禪扉靜中忽聽鐘聲微雲烟深處晝欲冥風雨
到來泉亂飛寺僧洗鉢石邊坐村叟負薪林外歸行吟幽徑
不覺晚紛紛涼月侵人衣

鍾祖恩校

孫樹禮校

張大昌校

兩浙輶軒錄卷二十三

兩浙輶軒錄卷二十三

孫宗濂

奎

81

07236

88270

張大昌校

孫樹禮校

鍾祖恩校

